


NDOONDA YA KIPWILO

 Kuno, mwakonsha kwikyambula—kwikyambula byepi? Ee, uu-uu...?... [Kafwapo bijipo pa tepu ne—Waku.] Anweba inengezhai kwibizhimya. Nanchi, inge, Amiwa nasunkenya mutwe wami kwi obewa, nobe *byoby*a. Mwamona? Mwamona? Amiwa, mutwe wami kasa abena kusunkenya kwi obewa. Obewa... [Mulongo umo waamba mba, “Kimye ka anweba mukena kukeba amiwa mba nekyube?” Mulongo mukwabo waamba mba, “Aye waambile mba, ‘Kyambulai akya.’”]

Batemwe, atweba twaita ino mbungeno bonsetu pamo kuno bufuku buno namambo akubamba tuyuke mwakubila mwa kwingijila mu Kipwilo kya Lesa mumi, akyo, atweba akyo kyotwaketekela mba twaikala lubaji lwa kino Kipwilo.

² Amiwa nasaka kuuba, kintu kitanshi, Amiwa nasaka kwamba mba mwaila ng’endelo yami ya kuzhokoloka ntanda yonse, nobe byonka abyo Amiwa nayuka, apano kepopa pabifulo byabumupashi apo anweba pomuvwa Mupashi wakwa Lesa kukila pabifulo bikwabo abyo Amiwa byo nayuka. Amiwa najinga nabifulo bibiji abyo byajinga mumilanguluko abyo byaikalanga na, bino pakino kimye atweba—atweba kechi twibimona abya bifulo ne; umo wamwiabo wayakala mukabungwe, kabiji mukwabo wajinga—wajinga namusango wapona.

³ Nanchi Amiwa naichilwe kesha japita kabiji kwajinga—kwajinga amiwa kumbula amba anweba mwakebele aye mbungeno mukungipuzha amiwa ano mempuzho mwaila mingilo yenu yamu kino kipwilo, kabiji Amiwa...akyo ikyo Amiwa naishila kuno bufuku buno, ke...kabiji pa—pa kwikajika kipwilo, nangwa mukwimupa anweba bintu abyo Amiwa byonalaunguluka amba—amba byanema byakukonsha kulengela akino kipwilo kutwajijika kuya kulutwe.

⁴ Batemwe, Amiwa naketekela kiine amba anweba mwatuluka kala akyo, nobe Amiwa nakwambila mba kino ke kifulo kyabumupashi. Akye kechi ke kifulo kikantampe muntanda ne, kabiji kechi namambo atweba twimba bulongo ne, kubijika kukatampe, kabiji ne kukupata kwabaya bingi, nangwa kwamba mujimi, ne bintu bikwabo, abyo kechi ibyo ne, pakuuba kekufikilamo kwa Mupashi ao wingila mu ino tambanako. Kabiji, pakino kimye, Amiwa nasaka kwiya na kusachila Mulongo Neville, kabiji—kabiji ne anweba batemwe kuno, baketekelwa, kabiji ne bakwasho, kabiji ne mukulumpe wa sukulu Wapamulungu, kabiji ne bonsetu, na—na mambo abyo mwauba anweba mukukwasha kulama awe musango. Akye kyaikala mulombelo wami walepa bingi, kabiji ne kukeba

kwami kufumatu byonajinga nsongwalume, mukumona mba kipwilo kyabikwa mu ndoonda kabiji ne kulamwa mundonda.

⁵ Pano, kimye atweba kyotwapesheshe kipwilo, Amiwa ne mubujile anweba, “Palutwe kacheche mba Amiwa njina kintu kimo kya kwamba kwi anweba mwaila kubika akye kintu mu ndoonda, mujishanda mokyafwainwa kwikela.” Kabiji anweba mwatatwile . . . panyuma ya kufuma pano, atweba twajinga na bamwingilo ne bintu bikwabotu. Bino pano, Mulongo Neville byo ajinga mwanjike mukachi ketu, waishile mukachi ketu, Amiwa nalangulukile mba kyakonsha kwikala kyawama kwi Mulongo Neville kwikala bulongo waikajikwa mu Lwitabilo kasa Amiwa kyangye kuleta akye kyaiwe musango nobe Amiwa byombena kwikyuba ponka pano. Bino pano, panyuma Amiwa ya kutana mba ubena kwikajikwa bulongo mu Lwitabilo, kabiji ne kukwantakanya bulongo Lufunjisho byo luji, kabiji—kabiji aye waingila lubaji lwa lwitabilo lwa bukamonyi bwa Kilishitu ne kukwachijila akya atweba kyotwaketela kwikala kya Bukiine, Amiwa naketekela mba ke awala pano, kyakonsha kwikala kimye kyawama, na kufwenya kwipi ne aye . . . kabiji mukachi kenu bakulumpe ne bintu biji muno mu kipwilo, mba anweba mwafwainwa kusenda abo bakulumpe ne kwibavuluka abo, abo ke buyuke bwami bwa maana kumeso akwa Lesa. Kabiji Amiwa mbena kutala kwi anweba pa kuuba mba musende bibye bintu abyo Amiwa byo mbena kwamba byonse, mambo muntu umo wafwainwa kwikala mutwe pano. Wafwainwa kwikala na . . .

⁶ Bino, Amiwa kechi mbena kukeba kwikala na bukulumpe nangwa kintu kimo ne, bino, mwamona, muntu nangwa kintu kimo kiji na mitwe ibiji ku kikye, kechi—kechi wayuka mwakuya ne. Lesa kechi wajinga na mitwe ibiji ya Kipwilo Kyanji ne, Aye kechi wikyubile ne, ke mutwe umo. Aye kimye kyonse waingijile mu kisemi kyonse nobe byonka byo atweba twafunjile mu Binembelo, kimye kyonse pekalatu muntu umo Aye ye engila nanji. Mambo mwatola bantu babiji, muji na milanguluko ibiji. Kabiji kyafwainwa kwikala kya bukine kyapwijiijika kyafuma ku muntu umo, kabiji kyapwijiijika kyami ke Kyambo, ne Baibolo. Kabiji nobe kafunga kuno wa kipwilo, kyapwijiijika kyami ke Kyambo, kabiji Amiwa nakeba . . . Amiwa nayukatu, balongo betu, anweba muji namusango wakutala kwi amiwa kwikala kipimo kyapwijiijika kya . . . kikulutu Amiwa mbena kulondela Lesa, nobe byonka byaambile Paulo mu Kinembelo, “Anweba ndondelainga amiwa, byonka biji Amiwa byo mbena kulondela Kilishitu.”

⁷ Kabiji nanchi ne Amiwa naketekela anweba batemwe, apo pakimye kyomwakonsha kumona amiwa kasa ngya mungi kufuma kukino Kinembelo, mwafwainwa kwiya kwi amiwa kumbaji ne kumbula amiwa apo Amiwa ponalubankanya. Amiwa kechi nasakamana ne nangwa wikale umo wamubo

baketekelwa nangwa ba...nangwa inge wipa kakifulo kacheche, nangwa uji mung'anyi musango, anweba mwakaswa kala kumwingilo kwi amiwa, nobe mulongo mwi Kilishitu, mukumbula amiwa uvwe Amiwa kyatama kufuma ku Kinembelo. Inge pajipo jipuzho, twayai twikale panshi ne kwikipwisha bonse, pamo.

⁸ Oene mambo anweba kyo mwaishila, Amiwa naketekela, kwi amiwa bufuku bunu, wandetele amiwa muno, ke namambo akuba mba kuji mepuzho kuno ao amweka anweba omu bena kwipuzha anweba mumilanguluko yenu mambo abintu abyo Amiwa byo njina—nabyo kuno. Pano vulukai, batemwe, Amiwa kechi nayuka ne...kafwako nangwa mazhina ao afwachikiwa kuji yense tiketi ne, bino...kabiji abo banembele, kabiji Amiwa kechi...kechi nayuka ne ao wanembele ine, bino kujipo mepuzho amo anweba aji mumilanguluko yenu, kabiji Amiwa njikuno na kupana mukumbu ku mwaila kuyukisha kwa maana ami.

⁹ Kabiji vulukai, Lesa ubena kutala pe amiwa pakuuba amone Amiwa mba naikala mu Kyambo. Kabiji Amiwa mbena kutala kwi anweba pa kumona mba anweba mwasenda Kyambo, mwamona, mwamona, mu kino kipwilo. Kabiji kilamai kya bumupashi, mambo, vulukai, byonse abye byaluusa lwa—lwa finshi yabumfumu bwa kwa Satana bikakonsha kwimwimena anweba byomubena kukoma mwi Nkambo. Kabiji anweba mwafwainwa kwikala bashilika, kechi batwezhiwatu katataka ba kumubiji ne. Anweba mwibakala bashilika pano, kabiji abo bafujishiwa kulwa nkondo. Kabiji Satana ukeya mukachi kenu, mukwimulengela anweba mwapusenamo umo ne mukwabo inge kyakonsheka. Mwimenai aye kubwezha panshi bukiji bukiji; anweba mwi batemwe; kabiji aye ye mulwany. Kabiji tuji pano na kukwachijila kipimo kimo kyalumbuluka mu kimye kya Kyeya kya mabaanga abufuku, amba, kimye ntanda poyaikajikwa mufinshi ne bumfumu bonse bwa kipwilo bubena kuya mu Kije kya Bipwilo. Kabiji katatakatu papo basa kweseka kulukuka akye kiyukilo kya kikye kibelo kuno, “Kyashinkika!” Kabiji nanchi atweba tukasambakana kubifulo bikwabotu, mambo abo kine bakashinka bibye bipwilo juba jimo inge atweba twabula kusenda kiyukilo kya lukinyama. Kabiji atweba twashakamina ponka pakwikela pa bukiine bwa Lesa poso lufu lwitwabanya, kabiji abyo ibyo atweba potwaimena mukwikyuba.

¹⁰ Pano ponkatu ke...Kabiji Amiwa nakonsha kwipuzha, amba inge kujipo kimye kimo kya bibye bintu biiya mu jipuzho, amba awe tepu akonshe kuletwa ku ba membala ba kino kipwilo, mwamona, akwa ku mabungeno enu, nangwa kukutatulatu kwa mbungeno, kasa mukyangye kutatula mbungeno. Lekai awe tapu aletwe ne kuvwanyika! Kabiji lekai amba jibumba kuno jiyuke amba abo banabalume bapewa mwingilo kwi

Lesa, nobe luchipo lwabo kukino kipwilo, mukukwasha kulama abye byatongolwa. Anweba mwakonsha kwibika abye; kabiji inge Amiwa nemuleka anweba amba muvwe, nanchi Amiwa nsakukana ne anweba. Atweba twafwainwa kwikala nansulo ako kotwafwainwa kutambula kyakulondela. Kabiji mwaila buyuke bwami abo Amiwa bo nayuka, Amiwa bo mbena kwimupa ke Mupashi Wazhila, mulekai Aye ekale ke wapelako Wakulondela. Kabiji lekai iwe tepu ekale wapelako wakulondela ku ao mepuzho.

Pano, kintu kitanshi ke:

220. Kana kipwilo kyalinga kuba ka kutazha kubyalwito bya bukwasho bwa mali. . . byakuja ne bivwalo? Kika—kika kyubilo, kika—kika kyakonsha kuuba kipwilo?

¹¹ Pano atweba twayuka mba kipwilo kiji na mwingilo wakyo mwine, wakutala paba membela bakyo baji muno mukipwilo, atweba twapwijijika namwingilo yensetu wakwiba mwena abya byonsetu atweba byotwafwainwa kwikala nabyo. Atweba tuji namwingilo wetu wapa betu, aba baimana, ba membala batwajijika na kwiya kuno ku tambanako nakupwila pamo ne atweba. Atweba twaswikwa namwingilo yensetu, nobe boba balongo ne banyenga betu abo bashininwa kwikala bamembela betu mukupwila pamo.

¹² Pano, atweba twavuluka mba kuji mamilyoni bufuku buno babula kajo, kabiji babula byakumvwala ne, kabiji atweba twafwainwa kutemwa kukwasha jibumba jonse, mukwingila abya byonse byotwakonsha atweba kuba; bino mwayila kupana kwa maali atweba kechi twakonsha kuuba kyokyo ne, atweba kechi twakonsha kukwasha ntanda yonse ne. Bino atweba tuji na mwingilo wetu. Kabiji Amiwa nalanguluka, mu kyokyo, kabiji inge twaikalapo na kintu kimo kyashalapo amba anweba mubena kukeba kupana bukwasho ku bantu babula bamembala ba mu kino kipwilo, kimo kintu akyo anweba kyonwasaka kwibapa abo, kyafwainwa kufikizhiwa pakachi ka kiije kya bankwasho.

¹³ Abo bankwasho ibo aba ba—bafwainwa kusambakana ne kwikifikizha, nangwa luno lukatazho, nangwa; mambo mu Baibolo kimye kwamwekele byalupata lwa kwiya na bya kuja ne bya kuvwala, ne bikwabotu, mu Buuku wa Byubilo, baichile batumwa pa kikye, kabiji baambile mba, “Yainga mukamonemo beenu batanu na babiji banabalume babukishinka, kabiji bayula na Mupashi Wazhila amba bobafwainwa kwingila iwe mwingilo. Mambo atweba twipana atweba bene kimye kyonse ku Kyambo kya Lesa ne kwikala mu milombelo.”

¹⁴ Kabiji kechi ke mwingilo wa kafunga wakutala pa bya. . . pa kajo ne bintu bikwabo ne. Akyo kyafwainwa kwikala kupichila mu bankwasho. Kechi baketekelwa ne, ke ofweshi wa bankwasho kuuba byobyo. Kabiji nanchi akino kyafwainwa

kwikala . . . Vulukai mu Baibolo, abo bakwashishenga bonka babo bene, ba Giliki ne ba—ne ba Yundeya, akwa kokwajinga kwipachika amba umo waiya kokwa wasenda bicheche mukwa byavula, bino kyajinga bantu bapoteshele byabo bonse byabunoshi ne kuleta ku kipwilo mubya bukwasho, kabiji nanchi ne—ne kwabanya mukachi kabo bonsetu kimotu. Kabiji akwa kwajinga lupusano luchechetu lwaishile, kabiji akwa koko twajinga na bankwasho batanshi. Kabiji awe ye umo wamuyoya mingilo yabo, ke kuuba kyokyo.

¹⁵ Amiwa nalanguluka mba, nobe bantu betu, byo tuji, atweba twafwainwa kwibalama. Kabiji kyafwainwa kwalulwiwa, kwijizhang'nya konse, kwafwainwa kuya kuwakumupando wa kije kyaba nkwasho, kabiji kwafwainwa kusambakana na kije kya bankwasho kabiji ne kumona byo bakonsha kuuba pa kyokyo. Kabiji ne byonse bintu bya kuvwala, ne kajo, ne bya bumali, nangwa musango yense mo kyaikela, kyafwainwa kwiya kupichila mu bankwasho. Nanchi bankwasho, uvwe abo bafukula amba abo—amba abo ba . . . abya byobasakuba abo pakyokyo kintu, nanchi bino kipanwe nanchi kwi—kwi kalama, mukumona kana inge kalama wakonsha kupana mali afika akye kipimo pakikye kimye, nangwa—nangwa kupota abye bivwalo, nangwatu kuji byobya. Bino ba—bankwasho bafwainwa kusambakana pa kyokyo, kabiji kechi baya ku baketekelwa nangwa ku kafunga ne. Ke kintu kya bankwasho, byonse pamo.

Pano, nanchi, jipuzho ja nambala tuu.

221. Kana kyafikilamo kwamba paluntunanwa kufuma kupupiti amba njimi ne kulumbulula byafwainwa kubiwa mu mbung'eno kasa ikyangye kwikalako?

Ajo jo jipuzho ja bubiji pa kipepala akyo Amiwa kyonji nakyo kuno, akyo ke kitupa kicheche.

¹⁶ Pano, akye kyafwainwa kupana bukwasho kwi kafunga kuno, mwamona. Mambo aye—aye, yeutala pabyonsetu, bya lubaji lwa bumupashi, aye ye mutwe wa kyokyo. Bankwasho ke bakapokola mu kipwilo, ba kulamawizha bibye bintu, kabiji ne kujisha balanda, ne bikwabotu. Abo baketekelwa ke kumona pa mali ne kishimikwa; akyo ke mwingilo wabo wakatalapo. Bino kafunga ke kutala pa—pa byonsetu byabumupashi ke lubaji lwanji, kabiji akino kibena kuya kwi obewa, Mulongo Neville.

¹⁷ Pano, kuji . . . kimye kimo kunyuma ndoonda byo yabikilwe, mu kipwilo. Amiwa naketekela mu kwamba mu njimi, ne kulumbulula, kabiji ne byonse bya bupe byawama bya bumupashi byatongwelwe kwi Lesa kwikala mu kipwilo. Bino atweba tubena kwikala mu juba nobe byonka byokwajinga mu kimye kya mu Baibolo, apo bipwilo . . . Pano, mwamona Paulo, aye watatwile kipwilo ku Efisesa, kipwilo kya Efisesa, akyo kyajinga kipwilo-kyaikajikwa bulongo. Bushe mwamona

nyi? Atweba byo twaketekela mba Paulo, kabiji waambile byobyoye aye mwine, amba waambile na njimi yavula, kabiji twayuka mba wajinga na bya bupe bya njimi. Kechi yooya yo afunjile ne, kana byonka byapewe bya bumupashi kwi aye, mambo byoekyamba aye mu Kolinda momwa. Kabiji pakuuba mba tupulusheko kimye, Amiwa kechi mbena kuzhikulatu mu Baibolo ne kwikitanga kwi anweba ne, mambo kyafwainwa kwikala kyetu—kyetu kwikala kuno kimye kyabaya bufuku buno, nobe Amiwa kechi njipo na kimye kyabaya ne. Kabiji pano... bino ke kubatu amba anweba mwikale bakasuluka mwamona.

¹⁸ Pano, Paulo kechi waambilepo kimye kimo amba ku kipwilo kya Efisesa nangwa ku kipwilo kya bena Loma ne, nangwa uji yense wamubyobya bipwilo, namambo abyabupe byamupashi, nangwatu mwakwibibikila mundoonda ne. Bino aye watwajijikile nakwamba kubena Kolinda pakyonkanye, mambo abo balengelenga kekyakwambapo kimye kyonse. Kabiji Paulo waambile mba, byo aishile mukachi kabo, inge bataine kuuba mba umo wajinga na lujimi kabiji umo wajinga na salamo, kabiji aye wasachijijile Nkambo pa byonse bya bupe byabo byawama ne bintu biju byobya. Kabiji inge mwakonsha kumona mu kyapitala kitanshi nangwa kyabubiji mubena Kolinda, Paulo wibambijile, mu bifulo byabo, byo bajinga mwi Kilishitu, aye byo... bajinga mukifulo kya Kilishitu.

¹⁹ Nanchi panyuma aye kwibabula abo, nanchi nobe shabo aye watatwile kwibamona nakukalaba, ne kwamba mba, “Amiwa naumvwa mba muji bukaji mukachi kenu, kabiji Amiwa naumvwa mba anweba mwatoma ku tebulu wa Nkambo.” Aye kechi wibafumishe kubwina kilishitu ne; kabiji anweba batemwe kechi mube kyokyo ne, kwibafumya kubwina kilishitu ne, bino kemusango wabo mobaketelamo abo bene monka munzubo ya Lesa. Apo byobyokiji byonkabyo.

²⁰ Pano, Amiwa nakonsha kwamba kikye, nobe byonka byaambile Paulo wakala, amba, “Inge mwaiya pamo, inge umo waamba, lekai mukwabo alumbulule. Inge kechi pajipo waktuntulula ne, nanchi zhindamaitu. Bino umvwe pajipo waktuntulula...”

²¹ Pano, Amiwa namonapo kipwilo kuno, kabiji Amiwa namonapo anweba kasa mwakoma, kabiji Amiwa namona bya bupe byavula bya bumupashi bingila mukachi kenu. Kwamba patoka, umo Amiwa nafwaijilwe kwiya kwi Mulongo Neville na Kyambo kimo kyafuma kwi Nkambo, mukumolola aye pakintu kimo aye kyoaubilenga.

²² Kabiji inge Amiwa... inge Nkambo uji na... Aye Mupashi Wazhila wandengela kwikala mukulumpe wa Jitanga, apo ke mwingilo wami wakwimubuula Bukine. Kabiji Amiwa nasata bingi kwi Mulongo Neville, aye utala ku Bukine. Amiwa

nakonsha Kwikyambatu monka mokyaila amba Aye umbula amiwa.

²³ Pano, pa kikye, nobe abyo Amiwa byo namwene kipwilo kyenu kukoma, kabiji ne kwikimona. Kabiji mu kipwilo, aje jo jishinda jo twajinga najo patanshi, kabiji aje jo jishinda atweba— atweba jo tubena kwikikebelamo ne jikwabo.

²⁴ Pano, inge anweba kechi mwakonsha kumona ne, kimye baana. . . Kintu kitanshi mwaana kyo akeba kuba kekweseka kwamba kimye kyo akonsha kubula kwamba ne. Mwamona? Aye ulenga byakutata byavula, kabiji ne kupanga kyongo, kabiji ne—ne bintu bikwabotu, bino aye ulanguluka aye byonkabya. . . aye wakonsha kweseka kwamba pakyokya kimye awa musapwishi. Kyawama, watana kuuba mba kechi kijitu mu bumi bwa ku mubiji ne, pakuuba twatana kyokyo mu bumi bwa bumupashi ne apo. Ke *mucheche* umo. Kabiji inge anweba mwaeseka amba mumolole awa mwana kabiji ne kupumakotu pacheche mambo aye ubena “kutata” kabiji ubena kweseka kwamba, obewa ukonauna mwaana. Mwamona, kabiji obewa ukamukozha aye. Kabiji kekintu kyawama kumuleka awa mwana kukoma pacheche kana poso kimye aye kyoakatatula kweseka kwama byambo byalumbuluka, kabiji nanchi bino wamubula aye *kimye*. “Kechi kimye bataata po babena kwamba nangwa bamaama po babena kwamba ne.” Pakuuba umvwe kyafika pa kimye kyaitabilwa, mulekai aye ambe. Bushe anweba mubena kung’umvwa nyi? Pano, lekai aye ambe kimye kyanji inge kyafika kya kwamba.

²⁵ Pano, inge Amiwa najingapo na kintu kimo kyamwiba mu mubiji wami, amwa mu mbung’eno, ke muntu umo wakonsha kwimana umvwe Amiwa mbena kwamba kabiji wapana mbila ya njimi ne kuchiba Mupashi. Amiwa nfunatu mu mbung’eno mu New York ne mampuzha apusanapusana ako bamwingilo ko balekelela bibye, kimye pa kimye, kabiji kafwako byo kiji ne pakuuba—pakuuba kivundakanya. Monai, inge Lesa ubena kwingila mu mutanchi umo wa milanguluko, Aye. . . kyafwainwa kwikala—kyafwainwa. . . Aye wakonsha kupana bukikizhi ku mwingilo Wanji Mwine, inge Aye ubena kweseka kwingila mu mutanchi wamulanguluko umo mwi anweba, ku jibumba, mukwita lwito lwakukitapisho kabiji kintu kikwabo kyatwelamo.

²⁶ Nobo kyakumwenako, bibye. Atweba twaikala pa tebulu, na kwamba, kabiji atweba tubena kwamba pe Nkambo. Kabiji junya wanyemena kutebulu, bukiji bukiji, aye usenda milanguluko yetu bonsetu kufuma kubyotwakubanga, kabiji aye, watama muteto, wabijika, “Taata! Maama! Ami! Ami! Amiwa nafikatu pa nzubo ne kuya pa jibumba! Kabiji ne kuuba byonse *bye, abya*, kabiji ne *bikwabo!*” Kabiji uvwe atweba tuji bulongo mu kyalumbulu—uno mutwe wazhila. Pano, aye kufika kunzubo kasa abena kunyema, abyo kijitu bulongo;

ponka pa kisela kya mpila, abyo kijitu bulongo. Bino aye abyo walubankanya mwaila ndoonda uvwe aye watwelela mukachi kambila ayo yotubena kwambapo. Lekai aye apembelele kanatu ne kimye kyanji kyafika kabiji kepo aketubula atweba kika kyo aubile mukisela kyampila.

²⁷ Pano, akyo kijitu pamo nobe byotutana na bya bupe leelo. Ao oene mambo Lesa kechi wakonsha kuketekela bya bupe byavula bya bumupashi ne na bantu, abo kechi bayuka bya kwibitangijila ne. Alo lolukatazho lujiko leelo, ene mambo akyo atweba kyo twabujila kwikala nakyo ne kukila pa byo tuba.

²⁸ Kabiji atweba kechi twatana kuuba mba kuji byavula bipashang'anya bya bupe bya bumupashi. Bino Amiwa kechi naketekela mba *abyo* biji kuno mu kipwilo kyetu ne. Amiwa nasata pakyokyo. Amiwa kechi naketekela mba ke kupashang'anya nangwa pachechetu ne. Amiwa naketekela mba atweba tuji na bya bupe bya kine, bino atweba twafwainwa kuyuka mwakubila na byabupe.

²⁹ Kabiji inge watatula kubilapo kintu kimo kyawama... Kijitu nobe anweba byo mwaingijilenga ku bakulumpe benu kabiji anweba mwatatwile kinto yenu itanshi kabiji anweba mubena kukeba kulondela ndoonda, nanchi mukulumpe uji na luketekelo mwi anweba kabiji ukemulama ku ofweshi wapeulu kimye kyonse.

³⁰ Bino, Amiwa naketekela mba kimye kyafika pa Branham Tabernacle, kuyuka kika... akutola bya bupe Lesa byo apaine kwi atweba, kyakuuba mba Lesa wakonsha kuketekela atweba na kintu kimo kyakila pa byo tuji atweba nabyo. Bino atweba kechi twakonsha kuya kulutwe ne... kabiji mwamona muntu ao kimye kyonse wafwainwa ku mubuula ne bintutu bikwabo. Kabiji vulukai, "Awa mupashi wabangauzhi ukokela ngauzhi," byo byaamba Kinembelo. Inge mwamona mwanamulume ye wafwainwa kolola, nangwa mwanamukazhi, ne yewa muntu wafuma mundoonda, kabiji pano ubena kumubula Bukine bwa Byanembelo, nanchi kimweshi mba mupashi uji pe abo kechi ye wa kwa Lesa ne. Mambo Baibolo waamba mba, "Awa mupashi wa bangauzhi," nangwa, "kwaula," akyo, ke lushimuno, kusapwila, kwamba munjimi, nangwa byonse byo kiji, mambo njimi yalumbululwa ke bungauzhi. Nanchi ke mambo a ngauzhi, kabiji Kyambo ye ngauzhi. Nanchi atweba—atweba twamona mba kechi kiji mundoonda ya mwanamulume nangwa mwanamukazhi umo watolokela ne kupana mbila, nangwa kyakonsha kwikala kyang'anyi musango abo kyobakakeba kuba, bino kasa musapwishi uji kupupiti.

³¹ Pano Amiwa nafukula mba abye ke bya ku Branham Tabernacle, abyo byo kiji mba byetu—byetu bya bupe atweba byo twatana... Kabiji atweba tuji na bantu baji na bupe byawama bingi papo. Pano, byonse bye bya bupe ke mwingilo wabo bene.

Ke bya bupetu, kijitu pamo nobe kusapwila ke kya bupe, nobe lubuko ke kya bupe, nobe bintu bikwabo ke bya bupe, abye byonse ke byabupe, ke mwingilo wabo bene. Kabiji muntu yense bamukambizha amba apembelele pa mwingilo wanji.

³² Onkao mambo lekai Branham Tabernacle kingile mwaila awe musango, kabiji mu juba, kukijishamo jino juba byo twajinga na byavula (Amiwa kechi mbena kukeba kwamba kikye ne, bino), baji na bukitabila-mbijinga bingi. Atweba kechi tukeba bukitabila-mbijinga ne. Kafwako muntu ne, kafwako muntu wakishika ukeba kwikala na lwitabilo lwa bukitabila-mbijinga ne. Atweba. . .Inge atweba kechi. . .kechi muji na bukiine ne, lekai kechi twikale nakiji kyonse ne, lekai tumpembelele poso atweba twatambula akya kyakiine. Bino, Amiwa naketekela mba anweba—anweba banabalume mwakonsha kuswang’ana na kyokyo. Atweba kechi tukebapo kintu kya bukitabila-mbijinga ne. Batemwe, atweba kechi twakonsha kutatula bukitabila-mbijinga ne kintu kimo kabiji ne kusha ino ntanda. Atweba tuji nakyokya kya bukiine, kabiji akyo kyokya bukishinka. Inge atweba kechi tuji nakyo ne, twyai tupembelele poso twikitambula, kabiji twaambapo kintu kimo. Mwamona?

³³ Pano, Amiwa nakonsha kwamba mba, lekai bonse banabalume ne banabakazhi kwamba munjimi, ne kwaula, ne kupana mbila. . .Kabiji Amiwa—Amiwa naketekela anweba banabalume amba mwiba kishinka balumbuluka. Pano, Baibolo waamba mba, “Shininkisha bintu byonse; kabiji ne kukwachijijilai ku kyokya kyawama.” “Kabiji Amiwa nkamba ku baabo bantu na kikukuma ne na njimi ingi, akwe ko kukokoloka ako Amiwa naambile mba mukatwelamo,” mu Buuku wa Isaya.

³⁴ Pano, Amiwa nafukula mba akye kyazhila kikobiwatu kukya bupe kimo kyaitabilwa pakyokyo kimye, mambo kitubwezha jibiji mu ndoonda ya akyo Amiwa kyo mbena kweseka kwamba: inge umo waamba, lekai mupashi wabangauzhi akokele awa ngauzhi. Anweba mwikiyuka kyo nyi? Pano, lekai booba baji na mwingilo wa ku Mubiji wa Kilishitu. . .Kabiji pano kyaambiwa mba, pano lekai kyubiwe. Lekai booba baji na mwingilo wa ku Mubiji wa Kilishitu babena kupembelela mwingilo wabo, mambo ke mwingilo wafuma kwi Kilishitu kuya ku kipwilo. Bino anweba kechi mwakonsha kwingila pakimye kimo ne, kwafwainwatu kwikala umo pakimye kimotu.

³⁵ Aye Branham Tabernacle ukekala nobe bibye. Lekai booba baamba na njimi, kabiji ne boba babena kulumbulula njimi, kabiji bonse baji na bungauzhi abo bwakupana ku kipwilo, lekai abo beye abo bene lukelokelo muno na. . .kupwila kasa kukyanyge kutatula, lekai abo bapwile pamo mukibamba mwasalululwa, ne kupembelela mwingilo wa Nkambo.

³⁶ Nobe kafunga byo afwainwa kuuba ayemwine kasa akyangye kwiya mu jibumba; aye wafwainwa kutola Baibolo, na kufunda mu kibamba kyanji mwazhindama, mu Mupashi, kabiji nekwikala washingwa manyi kasa akyengye kwamba kujibumba. Inge aye kechi, aye wafwainwa kuvulang'ana kimye aye kyoabena kwiya kujibumba. (Lekai mwanamulume yense ne mwanamukazhi yense, uji na kya bupe kya bumupashi, eye kwi Nkambo.) Kabiji byokiji mba kafunga uji na mwingilo umo, aye ke ngauzhi; kyambo kya Kizungu, *musapwishi*, kyalumbulula mba “ngauzhi,” ao ke ng'ambilo-ya Kyambo.

³⁷ Lekai booba baji na mwingilo baji mulubaji lwakintu kimo nekikwabo, nobe umo kwamba na njimi kabiji mukwabo walumbulula, bapembelela *pamo* pa mwingilo wabo. Abo kechi bakonsha kwikala mukibamba mwafyamika kabiji ne kwamba mu njimi ne mukwabo waiya wamba mukubula mukwabo amba aye waamba mba, mambo aye wafwainwa kwikala na byonse bibiji njimi ne kulumbulula. Mwamona? Pano, inge aye uji yewa musango, kyakila mukuwama, atweba twakeba kutambula nobe byonkabya. Kabiji atweba tubena kukeba kipwilo kupana bukwasho ku bibye bya bupe biji mu kipwilo kyetu. Lesa wibatumijile, kabiji kiji . . . atweba tubena kukeba kipwilo kyetu mu kupana bukwasho ku bibye bya bupe bya bumupashi. Nanchi lekai muntu wamba mu njimi, kabiji mukwabo walumbulula, kabiji ne yewa wa aula, balekai beye pamo ku—ku kipwilo kasa kupwila kukyangye kutatula. Balekai abo basambakane pamo mukibamba abobene mukupembelela mwingilo wa Nkambo wa kipwilo. Abyo kya uvwanyika nyi?

³⁸ Kabiji pano, nobe bibye, inge Mulongo Neville, waamba mba, kyawama, pano lekai amiwa, ndekelaiko mambo, lekai ng'ambe kikye: Inge Mulongo Collins waamba na njimi kabiji ne Mulongo Hickerson wapana kilumbululo, nanchi abo baji na mwingilo *pamo* wa kipwilo. Pano, awa kechi ye mwingilo wakwa Mulongo Neville ne; awe ye mwingilo *obe* ku kipwilo. Amiwa mbena kupana kikye nobe kya kumwenako. Nanchi anweba batemwe mwafwainwa kwikala nakilaka kyakukebesha kutuluka mwingilo wenu pakifulo kyenu munzubo ya Lesa nobe kafunga naye uji nakilaka kyakukebesha kyanji, mambo ke kintu kyakila kunema kuba kyokyo. Bino kuuba obewa wikyuba mu kibamba kyobe ne, inge *obewa* waamba kabiji *obewa* walumbulula, mwafwainwa kwiya pamo. Pano, iyai pamo mu kipwilo, kasa mwafuma mubibamba byenu anwebene, mambo anweba muji namwingilo wenu wakumbaji. Kechi ke mwingilo washinkuka ne, ke umo wa kukwasha kipwilo. Mwamona? Ke kintu kimo kya kukwasha kipwilo, bino kechi kyafwainwa kubiwa amwa mujibumba jikantampe ne, kanatu monka mujishinda Amiwa mosakwimubujila momwakubila anweba. Mwamona? Nanchi, kyonse Mulongo Collins kyo abena kwamba, kabiji Mulongo Hickerson wapana kilumbululo, nobe

kya kumwenako, pano lekai Mulongo *Muntu umo* wanembele kikye, byo kiji. Kabiji pano inge kibena kwiya . . .

³⁹ Pano, atweba bonse twayuka mba Nkambo ubena kwiya, atweba twayuka kyokyo. Kabiji umvwe Mulongo Neville waimana kila bufuku ne kwaamba mba, “Talai, aye Nkambo ubena kwiya! Talai, aye Nkambo ubena kwiya!” akyo kyakonsha kwikalatu bulongo, mwamona. Bino aye ubena kwamba mba (kafunga) pa pulatifomu, mambo aye uji na Kyambo kya kyokya. Kabiji umvwe aye waikala ke kafunga, ke ngauzhi ku kipwilo . . . nangwa kafunga, byonkabyo, aye wafwainwa kufunda Kyambo kya Nkambo kabiji ne kwimubula bya nembwa mu Kyambo kya Nkambo pa kwiya kwa Nkambo, kabiji anweba mupewa lujimuno ku kyokyo. Ke mwingilo nangwabyonkabyo (ku kipwilo) ao aye yeafwainwa kukwatakanya nakyo, ke njimi, kulumbulula njimi (abo ke bungauzhi), nangwa ngauzhi ubena kwamba, akyo ke kintu kimo kyabula kunembwa mu Kyambo. Akyo kyanembwa mu kyambo, *aye* kyoafwainwa kuleta; bino akyo kyabulwa kunembwa mu Kyambo, ikyo *obewa* kyo wafwainwa kumubula aye. Nobe, kyakumwenako, “Bulai Mulongo Wheeler, ABYO BYOBYAAMBA AYE NKAMBO, ‘Keshu jikeya, mukimbo kyanji kyabusenga, kechi akayeko ne, mambo kukekala talaki ukapilibuka,’” nangwa kintu kimo kiji byobya, kabiji kyafwainwa kubiwa. Kabiji obewa wikyamba ne kwi kilondolola, kabiji pano wabika kyokya pa pulatifomu panyuma ya mwingilo obe wapwa, nanchi, mu bufuku, panyuma ya kipwilo (lwimbo) watatula kwimba ne bikwabotu; inge mwingilo obe wapwa nanchi, lekai abo beeye nebintu bikwabotu nabungauzhi bwapanwa.

⁴⁰ Kabiji Amiwa kechi nalanguluka mba atweba tuji . . . Nangwa inge obewa wauba, bikai kikye momwa ne. Umvwe abo bantu basambakana pamo, lekai abo awa uji na milaangwe afike patanshitu. Mambo, mwamona, inge umo waamba munjimi ne kupana kilumbululo mwaila Kinembelo, akyo kechi kyafwainwa kutambulwa ne kanatu paikala bukamonyi bwa bantu babiji nangwa basatu, babiji nagwa basatu nagwatu bavula batumonyi, mwamona, kwafwainwa kwikala kamonyi ku kyokyo, pakuuba mba baketekele kwikala Kyambo kya Nkambo. Mambo . . . Kabiji bimye bimo mu ino mingilo icheche, byonkatu biji nobe mwingilo mukwabo, wakokonsha kutambula mupshi watama; mwamona, bakatumbuka momwa. Kabiji atweba kechi tubena kukeba kyokyo ne. Ine. Atweba tubena kukeba aye mingilo kwikala inengezha kuletwa patoka inge kyafwainwa kuletwa patoka, mambo kyonse kyawama Lesa wakonsha . . . kechi anweba musakamane na kyokyo ne, Amiwa natazha mukuuba mba, ki—kikemana lweseko, inge kyo kya Lesa.

⁴¹ Kijitu pamo nobe kafunga, inge muntu umo wamupachika pa Kyambo, aye kechi wafwainwa kubwela panyuma pa kikye ne, aye wayuka bulongo byo abena kwamba, “Iya kuno.” Mwamona?

Kabiji kijitu pamo na iye mingilo ikwabo, kyafwainwa kwikalatu mujishinda jimo.

⁴² Pano, inge—inge umo waamba munjimi ne kupana mbila. . . Pano, bantu bamo baamba na njimi ingi uvwe babena “kwishimika abo bene,” Baibolo waamba mba, abo baji na kimye kyawama. Baamba munjimi, abo beumvwa. Kabiji abo *kine* baamba munjimi, abo kine baamba na jimi, kabiji ke Mupashi ubena kwikyuba. Bino umvwe waikala popa mu jibumba, na kwamba mujimi, kukomeshatu abo bene, nanchi akyo kechi ke kintu kyakukwasha kipwilo ne; awa mwanamulume ubena kwikomeshwa ayemwine, nangwa awa mwanamukazhi, nangwa uji yensetu ubena kwikyuba. Mwamona?

⁴³ Kwamba munjimi ke kya bupe kya Lesa kya kukomeshwa, nobe byonka byaambile Paulo mu Kinembelo, amba kyafwainwa kukomeshwa kipwilo. Nanchi kyafwainwa kwikalala mbila yafuma kwi Lesa kuya ku kipwilo, pangye ya kyokya kyanembwa papo mu Baibolo. Mwamona? Ke kintu kimo akyo. . .

⁴⁴ Inge mwakonsha kungimpuzha amwia, “Mulongo Branham, Amiwa nakonsha ku batizhiwa byepi?” Amiwa nakonsha kwimubuula bukiji bukiji. Obewa kechi wafwainwa kwamba mu jimi ne kumbula mba, kyanembwa papo mu Baibolo byo twafwainwa kuuba pa kyokyo ne. Mwamona? Amiwa kechi nafwainwa ku. . . obewa kechi wafwainwa kwipuzha mepuzho pa kyokyo ne kabiji ne kwikalala na muntu umo waamba mujimi ne kukubuula obewa ne. Mwamona, akyo kyanembwa kala.

⁴⁵ Bino inge waamba mba, “Mulongo Branham, kika kyo Amiwa kyo nakonsha kuuba? Amiwa njina mulanguluko muno Amiwa nafwainwa kuuba kana Amiwa nakonsha kutola kikye kipwilo nangwa kuya ku kipwilo kikwabo,” nangwa kintu kimo kiji byobya. Nangwa, “Amiwa nafwainwa kuuba *kikye, kyokya?*” Pano, akyo kyafwainwa kufuma kwi Lesa. Mwamona, Lesa wafwainwa kwitubuula byobyo. Bino akyo kyakonsha kwiya kupichila mu mwingilo mukwabo, mambo Kyambo kechi kyaamba mba, “Lekai Orman Neville afumemo mu Branham Tambanako ne kuya ku Fort Wayne Gospel Tambanako ne.” Mwamona, kechi kyaamba kyokyo mu Kyambo ne, mwamona, nanchi abyoye bya bupe byo bika.

⁴⁶ Nobe muntu waiya kuno ne kwaamba mba, “Bushe waketekela mu lubuko lwa Bulesa nyi?” Atwebwa tusapwila kyokyo, atwebwa twikiketekela akya, twaketekela mu kushingwa kwabulume, bwa manyi.

⁴⁷ Bino papo paji muntu umo waamba mba “Kechi wakonsha kupita mukyokyo ne, lukatazho lweepi?” Pano akyo kisenda Lesa, kupichila mu njimi, kulumbulula, kupichila mu bungauzhi, nangwa mujishinda jakuya monka mubumi bwa yewa muntu kabiji ne kuleta akya kintu akyo aye kyoabile, kabiji nekumubula akyo byokiji. Akyo kechi kemwingilo wakwa

kafunga ne, akye kintanwa kubyabupe bya mwingilo, bino kechi byafwainwa kubiwa momwa mu jibumba ne. Mwamona?

⁴⁸ Pano, Paulo kechi wakibijilepo kimye kimo kuboba—kwibabula bena kipwilo kya Efusesa kintu kiji kyonse ne, bajinga mu ndonda, kipwilo kya Benaloma, nangwa kechi kwajingapo bipwilo bikwabo ne; kanatu kipwilo kya bena Kolinda, kabiji abo kechi bajinga nakyo mukachi kabo ne. . . Pano, Paulo waketekejile mu kwamba munjimi. Aye waambile na njimi mu kipwilo kya Efisesa, byonka byo aubile mu kipwilo kya bena Kolinda, mwamona, bino aye wakonsheshe kwamba ku bena Efisesa bintu bikatampe kukila pa kwamba mu njimi, kulumbulula njimi.

⁴⁹ Pano, nanchi inge muntu umo wapana mbila yanembwa mu njimi nangwa kupana mu bungauzhi, kabiji ne kwiitanga kupulatifomu, kyafwainwa kutangwa kwikafunga kupwila kasa kukyanye kutatula, kya “ABYO BYOBYAAMBA AYE NKAMBO” kufuma mu baabo bantu baamba ne kulumbulula. Kabiji umvwe akya kyafikizhiwa monka mwaila kulumbulula mo kyaambiwe, atweba ke kusuntula maboko etu ne kupana lusachilo kwi Lesa pa Mupashi Wanji mukachi ketu. Inge kyabula kufikizhiwa ne, nishi kechi wakonsha kwikyuba ne poso awa mupashi watama wafuma mwi obewa. Lesa kechi ubepa ne, Aye kimye kyonse ye Bukine.

⁵⁰ Pano, mwamona, wikala mukote ubena kuuba nobe banabalume, kechi baana (“goo, goo, goo,”), obewa wafwainwa kwikalala na kilumbululo ku kintu kimo.

⁵¹ Lekai kipwilo pano, byo kibena kwiya mu ndoonda, iyai mu *iy*e ndoonda. Inge umo waawile. . . Inge umo waiya mukachi kenu, wabula kufunda, kabiji ne kwamba mu njimi, obewa ukekala tangi kwi aye, aye kechi wayuka kyo ubena kwambapo ne. Mwamona? Kabiji mu jino juba amo mwajinga kivundakanya kyabaya bingi, kilengela kyakwitutulako. Bino lekai umo ambe munjimi, kabiji mukwabo walumbulula ne kupana mbila, kabiji lekai kitangwe konka kupulatifomu, kibena kubiwa pakyokyo kifulo, kabiji pano lekai kimweke, mwamona kika kimweka. Babulai, mba, “Keesha pa *kikye* kimye kimo,” nangwa “mulungu ubena kwiya pa *kikye* kimye kimo, kukekala kya *kikye* kintu,” nanchi pano lekai babula kwitabila kasa baikala popa bateleke akyo ne kwikimona kana kikafikizhiwa. Popo bakayuka musango ka wa mupashi uji mukachi kenu, ukekala Mupashi wakwa Lesa. Abyo Paulo byo ambile mba, “Nanchi inge umo wakonsha kwaula ne kusolola bintu byafyamika, kechi ukaponesha kipwilo kyonse ne, nangwa, aye wabula kwitabila ne, ne kwamba mba, ‘Lesu uji mukachi kenu?’” Mwamona? Mambo kechi kyakonsha kwikalala. . .

⁵² Bino pano kechi tubena kukeba. . . “Kimye kyo twajinga mwaana,” Paulo waambile mba, “Amiwa naubilenga nobe

mwaana,” aye wabuujile bena Kolinda popa, “Amiwa naambile nobe mwaana.” Aye wajinga na milanguluko yabwanyike. “Pakuuba abyo Amiwa byo naikele mukulumpe, Amiwa nafumishepo bintu bya bwanyike.”

⁵³ Pano, Amiwa mbena kwimubula anweba bonse, mwamona. Pano, myaka icheche yapitapo, anweba mwajinga banyike na bibye bya bupe, na kukaisha kunyuma ne kulutwe. Bino anweba mwaikala kusukulu kimye kyabaya pano, pano ke kimye kyakwikala banabalume, kechi kwingijishatu bibye byakukaisha ne. Abye bya bupe, ke byazhila, ke bya kwa Lesa, kabiji kechi mwakonsha kukaya nabyo ne. Lekai Lesa ebingijishe. Abyo byobyafwainwa ng’ingijilo yobe kwikala. Ajo jo jishinda ja kubikamo Branham Tambanako mu mpwijilo. Kabiji—kabiji inge akye kyaimpuzhiwa, kimye kiji kyonse, lekai iwe tepu ekale kamonyi amba jo jishinda ja kwikyubilamo mu Branham Tambanako.

⁵⁴ Inge kwafwainwa kwiya mweenyi, mambo anweba mwikala nabo kimye kyonse, mambo akino kyaikala ke tambanako wantanda yonse yabipwilo, kuji bantu baketekelwa kwiya abo babula kufunjishiwa bulongo mwakubila, abo kechi baji nakyo ne, abo kechi bayukapo kintu kyawama ne. Kabiji abo kafunga wabo, abo bakonsha kutoloka ne kuchibankanya mbila yanji, kabiji ne kutabaula byalwito lwakukitapisho, kabiji ne kwamba mu njimi ne bintu byonse byonkabya. Anweba mwi bantu bafunjishiwa bulongo kukila pa kyokyo. Mwamona? Nanchi panyuma yakupwila, inge aye wabula kololwa, nanchi ke mwingolo wa bankwasho wakuya koaji. Kechi mulekele kafunga wenu kwikyuba ne kana kampe kyaikala mba kafwapo nkwaso ujipo popo, bino nkwaso wafwainwa kumona kyokyo. Mwamona?

⁵⁵ Pano, panyuma ya mpwijilo. . . Inge muntu waimana ne kupana mbila, aye kafunga, inge wakeba kwimana pa kamineti ne kuya kulutwe, kyawama bingi, mwamona, akyo kijitu kwi kafunga. Bino nanchi poankapotu lekai bankwasho, kasa awa muntu ukyangye kufuma mukishimikwa bamwikajike panshi, bamutwale kumbaji kumo ne kwisamba nanji pakyokyo kintu.

Kabiji inge aye wikipuzha, muletelai iwe tepu ne kwaamba, “Awe ke bishopu wetu, nangwa, mwine mukulumpe wa kipwilo. . .” (Ao ye *bishopu*, aye. . . yense mukulumpe pa byonse, mwamona, abyo byo kyatelwa mu Baibolo, “bishopuliki”, mwamona, nanchi akyo ke mukulumpe wa kipwilo.) “lekai. . . aye yo mikambizho yandoonda ne jishinda kipwilo kyetu byo kyuuba. Pano, twi mutemwa anweba kwiya na kupana mbila yenu. Pakuuba inge uji na mbila yafuma kwi Nkambo kabiji kiji. . . lekai kyapewa, iyai kuno kabiji ne kwikibika ku pulatifomu, kabiji wamwingilo wetu ukekitanga ku kipwilo, ne mbila ku kino kipwilo.”

Bino kechi kyafwainwa kwikalatu kupituluka mu Binembelo ne, kabiji ne bintu bya musango yewa. Kyafwainwa kwikala mbila kutangijila bantu, ya kintu kimo kyafwainwa kubiwa, nangwa kintu kimo kyo bafwainwa kuuba. Bushe kyauvwanyika nyi? Kijitu bulongo.

222. Pano, kana kujipo jishinda jawama jakulaminamo ndoonda mu kipwilo nyi kukila kabiji nakutwajijikatu nakuvululamo bantu—jikwabo ne jikwabotu kufumina ku bankwasho monka mokyaila nyi?

Ine, akyo, Amiwa nanji kwi kilondolola pa kyokyo. Ajo ke jipuzho ja nambala fiili.

⁵⁶ Anweba bankwasho, kemwingilo wenu wakulama ndoonda mukipwilo, na butemwe ne nakifyele. Kabiji nanchi anweba mwafwainwa kuuba, inge muntu umo wafuma mundoonda ya kipwilo, nangwa wayiwa kuno nobe wapendwa, nangwa mukwabotu wayiwa yewa musango.

⁵⁷ Nobe byo bamulozele awa wamwingilo kufuma ku pulatifomu bufuku bukwabo kokwa. Anweba mwauvwine abya byaubiwe, awa wapendelwe wayishile na buta bwakushijila-jibiji. Aye wabijikile ku mukazhi wanji, kabiji—kabiji wakebelenga mukazhi wanji, kabiji waile kwi kafunga. Kabiji kafunga wamumwesheshe mukazhi wanji kasa aikala ponkapa, bino aye wailenga nakumulozela monka mu kipwilo, kabiji kafunga watatwile kwingila nanji. Kabiji kyalinga mba—kyalinga mba...Awa—awa muntu wajinga nabuta aluluke nekuloza kafunga kupupiti, kabiji nanchi kuloza mukazhanji, ne kwiloza aye mwine.

⁵⁸ Pano, inge akwa kwajinga jibumba ja bankwasho bakosheshe kumumona kimye awa muntu kyoatwelele pakibelo nabuta, abo ngebakosheshe kumukwata kumaboko aye, ne buta kwibwangata mukuboko kwanji. Mwamona? Mwamona, abyo—abyo momwayila ndoonda ya bankwasho. Kabiji pano, abye bintu byubiwa byonka byo babena kuuba pakino kimye, mwakonsha kuketekelapo kintu kimo. Bino, vulukai, bankwasho ke bakapokola ba Lesa mu nzubo ya Lesa, nangwatu muntu mukwabo alanguluke byepi. Bimye bimo awa kapokola kechi wakonsha kukeba kuya ne kukwata awa muntu mukwabo ne, kampe mambo ao ke mulunda nanji, bino aye wachipile mu ofweshi, aye wafwainwa kwikyuba nangwa byonkabyo. Ao ye mwingilo wanji ku muzhi wanji. Mwamona?

⁵⁹ Ao ye mwingilo wa nkwasho ku kipwilo. Kabiji inge muntu umo watolokela peulu kabiji watatula kuchibakanya kafunga, nangwa kintu kikwabo kiji byobya, kabiji kafunga mu mbila yanji, ba nkwasho bafwainwa kwiya kwi abo bantu, babiji nangwa basatu ba mwiabo, kwaamba mba, “Bushe twakonsha kwamba kwi obewa, mulongo?” Mwamona? Muletai kufuma ku kipwilo, ne kuya mu ofweshi, *muno*

nangwa ofweshi mukwabo, ne kwamba nanji pa kikye, ne kwamba mba, “Anweba kechi mwakonsha kulubakanya ne.” Mwayukatu, ke kintu—ke kintu kyatama kikantampe mwaila mizhilo yakulubakanya mpwijilo pajiponse. Mwamona? Bino bantu bamo, baji nobe muntu wavulang’anako nangwa kintu kimo, baiya mukachi kenu, mwayukatu, kabiji—kabiji ne umo wabisela byabupopweshi, kabiji—kabiji kutatula kwenda mujonkaja jishinda, nanchi bankwasho. . . Kabiji inge—kabiji inge bankwasho bamweka nobe kechi bakeba kwikyolola ne, nanchi ke kije kya baketekelwa nangwa uji yense mu kipwilo wakonsha kwimana ne kupana bukwaso ku yewa muntu uji yense. Mwayukatu kyokyo.

⁶⁰ Kabiji—kabiji pano lekai ngipuzhe jipuzho jibiji papo.

Pano, kana kujipo jishinda jawama jakulaminamo ndoonda mu kipwilo nyi kukila kabiji nakuvululamo bantu jikwabo ne jikwabotu kufumina ku bankwasho, pano, payoyo mpuzha?

⁶¹ Pano Amiwa nalanguluka mba aye—aye kafunga, bimye byavula. . . Nangwa kwimba yiwe tepu, lekai akya kikekale ke bukamonyi. Bankwasho ke bakapokola, kabiji kyambo kyabo ke muzhilo ne ndoonda. Mwamona? Kabiji abo baji na luusa lwa kufuma ku kipwilo kabiji ne kufuma ku mizhilo ya kyaalo mukulenga aya nzubo ya Lesa ke kifulo kyaitabilwa. Kabiji uji yense wafwainwa kupachika na nkwaso nobe byobya, aye watongwelwa ku—ku kashiwa mu kaleya pamyaka ibiji ne kufika ku teni. Inge wibabuula mba baye ne kwikyuba ne, nangwa kintu kimo kyayewa musango, muntu umo uji na byubilo byatama, aye kechi uyuka kyo abena kuuba ne. . . Aye mwine ubena kwikashilamo, nangwa ubena kwitwezha ayemwine mubintu byatama, biji byonse.

⁶² Kabiji nanchi inge kyafika ku muntu umo. . . Pano, nobe. . . Kabiji inge muntu umo watoloka ne kubila mwabula kulumbuluka. . . Kapepo kwamba na jimi nangwa kintu kimo, Amiwa kechi nakonsha kutwelamo pa kyokyo ne. Mwamona, balekai bayenga, mambo umvwe baikala benyi. Inge ke bantu betu, nanchi lekai, bufuku bwalondelapo, anweba bankwasho tolaitu yiwe tepu, ne kwamba mba, “Pano, tusa kujizha ndoonda ya kipwilo kasa tukyangye kutatula kupwila ne, Amiwa nasaka muntu yense kwi kyumvwa.” Kabiji anweba bakafunga ne anweba bonse mwakonsha kwingijila pamo muyewa musango.

223. Pano, Mulongo Branham, pano nga sukuulu wa pa Mulungu? Mulongo Branham, pa sukuulu wa Pamulungu (kijitu bulongo), bushe kyafwainwa kwikala kupwila kasa kukyanyge kusapwila nyi?

⁶³ Ee, kimye kyonse twajinga nakyoye muyewa musango. Ikalai na sukuulu wa Pamulungu kasa kusapwila kukyanyge kutatula ne. Kabiji akyo kipana kimye ku balunda babacheche

bafwainwa kutanwa ku sukuulu wa pa Mulungu, pakuuba mba bapalang'anye makalasi abo. Kabiji inge—kabiji inge bakeba . . . kabiji balunda babacheche kechi bekikwatakanya ne, kabiji abo bafwainwa kwikala nakutwajijila kufikatu ne kukusapwila kabiji bino baikala na sukuulu wa pa Mulungu, aba balunda bacheche bakoka kala. Lekai awa sukuulu wa pa Mulungu ekale muntashi, ikalai na kimye, kimye kyonka kimotu kila sukuulu wa pa Mulungu popa kwikala na mafunjisho. mukulumpe wa sukuulu wa Pamulungu wafwainwa kumona kyokyo, amba awe sukuulu wa pa Mulungu waikala na lufunjisho mwaila kimye kyatongolwa, ikajikai na kimye. Kabiji kyafwainwa kwikala na kimye kyakupwishishamo. Yonse sukuulu ya pa Mulungu, swishai kimye kyatongolwa kyokikye, kabiji bino mwapalan'ana.

224. Bushe mufunjishi wa kalasi wabakulumpe wafwainwa kwikala mukwabo wakila pe kafunga nyi?

⁶⁴ Inge baswang'ana. Inge kafunga wakeba kufunjisha sukuulu wa Pamulungu kabiji ne kuleta mbila palutwe, akyo kyawama ne kwitabilwa inge aye ukeba kuuba mpwijilo ibiji. Bino inge aye kechi ubena kukeba kwikyuba, nanchi wafwainwa kwikala na mufunjishi wa sukuulu wa pa Mulungu wabakulumpe, mwamona, wa kalasi wabakulumpe. Kabiji inge—inge kafunga uji na muntu mukwabo momwa mu milanguluko, kabiji ne muntu ukeba kwikyuba, ipe obewa mwine mamineti sate, nangwa kiji kyonse kyowakonsha kuswisha ku sukuulu wa pa Mulungu kubiwa, sate nangwa sate-faivi, mamineti foote, musango yense mo kyaikela.

⁶⁵ Kabiji akwa kwafwainwa kwikala ngengele yabikiwako kokwa kuno. Kabiji kimye ngengele byo yafwainwa kujila, kyalumbulula mba . . . nangwa kampe ngengele ya kipwilo, kimye kyoyafwainwa kujila pangye, ako ke kupalang'anya sukuulu wa pa Mulungu. Kabiji kimye kyakwimba aya ngegele, kyalumbulula mba muntu yense wafwainwa kwikala mu ndoonda yaitabilwa bulongo.

⁶⁶ Kwafwainwa kwikala kimye kyakwimbako lwimbo nangwa ibiji, nangwa biji yonse yafwainwa kwimbiwa. Kechi kimye kyabaisha ne, obewa wakonsha kukokeshi bantu inge wibalama kimye kyalepa bingi, mwamona. Kabiji londelatu aya ngegele, ikala nalwimbo kabiji ne kuba biji byonse byowakonsha kuba, kabiji nanchi tuma kalasi yobe kukifulo kikwabo. Kabiji ponkapotu umvwe akya kimye kyafika, kyaamba mba kikekala pa—pa teni koloko, nangwa teeni-sate, nangwa teeni-fifitini, nangwa kimye kiji kyonse, londela aya ngengele kabiji yense mufunjishi wafwainwa kupalang'anya kalasi wanji, kabiji nekwiya kujibumba kuno. Kabiji pano . . . Kabiji bapane sawakya, wa sukuulu wa Pamulungu, kabiji ne kupalang'anya bintu byonse, kabiji lekai aba bonse babena kukeba kwikala kukupwila kukwabo. Mwamona, nanchi akyo kinji mu ndoonda.

Jipuzho? **Baanga ma-...**[Awa mulongo waambile mba, “**Kabiji bino twaikala na kalasi wa abanwa, mubyambo bikwabo?**”—Waku.]

⁶⁷ Oo, ee, anweba mwafwainwa kwikala nabyo. Awa—awa mwaana wa myaka-isatu-yakusemwa kechi wakonsha kuvwa pamo na yewa mwaana wa myaka-fotini-yakusemwa. Amiwa nalanguluka mba Amiwa nafwainwa kwendako kalutwe pacheche.

225. Bushe makalasi anga afwainwa kwikalako?

⁶⁸ Anweba mwafwainwa kubikako ne awa yenka kalasi wenu pakyokyo. . . Nobe kalasi kacheche kabafunda kabena kukeba kumweka pa kipabi, akyo kyakila kuyewa mwaana wa myaka-fotini-kusemwa songwalume nangwa songwakazhi. Mwamona? Anweba mwafwainwa kwikala na umo wakitangijila awa kalasi wa baana babacheche, maama umo mukulumpe nangwa kintu kimo ao wayuka mwakwibalamina. Akwabo makalasi, Amiwa nalanguluka mba, kyafwainwa kwikala muntu wakonsha kumweshwa Kyambo. Mwamona? Kabiji kwafwainwa kwikala mumakalasi. Mu kwaamba mba pano, akwa kwafwainwa kwikala kalasi uji nobe wa fuma ku. . . Pepi nobe asatu makalasi.

⁶⁹ Akwa kwafwainwa kwikala nobe pacheche kalasi wabana babacheche, akwa kwafwainwa kwikala kampe bakulumpe baji namyaka faivi yakusemwa. Kabiji bonsetu bafwainwa kulamwa monka mushi yalutangijilo lwa bamaama, kabiji bafwainwa kutwalwa kusukulu wabanyike inge abo bakonsha kusendwa muyenkawa musango. Akwa kokwafwainwa kwikala awa sukulu wabanyike.

⁷⁰ Kabiji Amiwa nalanguluka mba aa ma—ma kalasi afwainwa kunengezhiwa kufuma nobe ku baana babacheche baji na myaka ya kusemwa faive nangwa sikisi, kufika ne pa eiti nangwa naini, teeni, kintu kiji nobe byobya. Kabiji nanchi kufuma kuboba baji na myaka teeni kufika ku fikitini bafwainwa kwikala na—na kalasi wabo. Kabiji nanchi aba bakulumpe kupitaila pa myaka fikitini bafwainwa kwikala na kalasi wabo, mambo abo. . . inge abo kebakulumpe ba—ba. . . ano moba abo bafwainwa nekwikala nakinto kabiji abo babena kukebewa ne kuvotela pa myaka, kampepo; nanchi abo—abo bafwainwa kuvwa akya Kyambo, bino bafumamo amwa monka mujibumba jikantampe ne kwikala nakyo.

226. Bang’anyi bafwainwa kwikala bafunjishi?

⁷¹ Abyo byobyokiji, akyo kijitu konka kwi anweba kuvotela bafunjishi benu. Kabiji anweba mwafwainwa kwikyuba akyo, babikaipo pabifulo, tolaipo baamo. Kabiji sambakanai na kipwilo, ne kwamba mba, “Ng’anyi. . . Ao kuno uvwa kutangijilwa ne Nkambo?” Kabiji nanchi tolaipo mufunjishi wafikilamo. Kabiji nanchi lekai akyo kyubiwe. Akyo

kyafwainwa kubiwa namutanchi wakumbaji, batemwe. Inge mufunjishi kechi wafikilamo pakyokyo ne, nachi anweba pipulai bafunjishi.

⁷² Inge kimye kyaiya, nobe byonka biji Lesa, inge Amiwa naumvwa nobe Orman Neville kechi wakonsha kutwajijila kwikala kafunga kuno ne, Amiwa nsakwikitongola ku kipwilo. Inge Amiwa namona kintu kimo papo, kyalangulukwa mba anweba bankwasho kechi mwafikilamo mu kwikala bankwasho ne, Amiwa nsakwikitongola ku kipwilo, amba, “Amiwa natana wafikilamo kwikala nkwaso pano kuuba kintu kimo kyo akonsha kubula kuuba, kabiji aye kechi ulama kifulo kyanji kya mwingilo ne,” kabiji ne bikwabotu bya musango nobe yewa ne, nangwa baketekelwa nangwa musango yense mo kyaikela. Amiwa kechi nakonsha kwikivotela nangwa kubula kwikivotela ne, kipwilo kyafwainwa kuuba kyokyo, bino Amiwa kine kamufikizha ku kipwilo. Mwamona, mambo abyo ibyo byo kyafwainwa kubiwa. Abo ibyo Amwa monafwainwa kwikala, nobe mukulumpe, Amiwa nafwainwa kutala na kumona bintu bibena kubiwa. Atweba tubena kuya Mwiulu, kechi kuntu kumo na kipekenyi kimo ne nangwa kintu kimo kyakuleta bisela byavula ne kabiji ne kunyemena kumuntu mukwabo ne, kabiji ne kuteya akya kisela kyampila. Atweba tuji pano na kumwasha bintu byawama bingi pantanda, Kyambo kya Lesa, kabiji akyo kyafwainwa kusendwa mwaila ndoonda yabulesa.

Bang’anyi bafwainwa kwikala bafunjishi?

⁷³ Akyo kiji kwi anweba kwibasala abo. Bino Amiwa nakosha kwikyuba, namambo abaana babacheche, Amiwa nakonsha kwikyuba ne mukulumpe inetu, umu wakonsha kwikyuba. Bino kuba kitwala, Amiwa nafwainwa kubikako mufunjishi ao wakosa, kabiji kechi wakuyatu nabintu bingi byakwibalengela kulubilamo ne. Akyo kikekalatu bulongo inge abo bakeba amba baye na yewa wakwibatwala mungi, bino bikaitu bintu byonse popa. . . Kibikaipo pa Kyambo, lekai muntu umu wakonsha kulama Kyambo. Kabiji kikekala, akye kipwilo kechi kyaimana. . . Pwijilo yakisangajimbwe nayo ijitu bulongo, kabiji—kabiji aya pwijilo yomubena kukeba yapamo yakusangalala, akyo kyawama, akyo—akyo kyo mwafwainwa kuuba pakuuba mba nsangajike baana. Bino mu ino mpuzha *pano*, akye kyo Kyambo kya Lesa. Pwijilo yakisangajimwe ke kimye kyomwiya pamo, nangwa kintu kimo kyayewa musango, bino kechi muno munzubo ya Lesa ne. Kabiji mubibye twayuka mba, nangwa byonkabyo atweba twayuka mba kechi waketekela mubino bya bumbulwa maana amu—amu bipanyi ne kabiji ne bintu byonse bya iwe musango yewa muno, atweba—atweba. . . anweba mwayuka bulongo kukila pa kyokyo.

227. Bang’anyi bafwainwa kwikala bakulumpe bapa sukuulu wa Pamulungu pakuuba mba ekilame mu ndoonda?

⁷⁴ Awa mukulumpe wa sukuulu wa Pamulungu. Kabiji awa ye mwingilo wanji. Aye kechi ujipo na kyakuuba na bakwashi ne, baketekelwa, bakafunga, nangwa muntu mukwabo ne, aye uji na ofweshi wanji mwine. Yense mufunjishi wa sukuulu wa pa Mulungu, Amiwa kechi namuyuka ne. Bino awa mufunjishi wa sukuulu wa Pamulungu wafwainwa kumona mba yense uji mu kifulo kyanji, kabiji ne yense mufunjishi uji muno, nangwa kupingakenyapo mufunjishi mukwabo pa yewa mufunjishi inge kechi kobaji aja juba ne.

⁷⁵ Nanchi kasa Mulungu ukyangye kufika...Kasa akwa—akwa kufijisha kwatwajijila, awa mukulumpe wa sukuulu wa pa Mulungu wafwainwa kuya ne kutambula abya byabupe abyo byabapanwa (abya byonse byabapanwa mu sukuulu wa pa Mulungu), kabiji ne kwikala nasawakya wa bonse batanwapo, bushe anga ma Baibolo obajinga nao mu kalasi, ne bikwabotu, kabiji ne kupana sawakya pakikyeye. Kabiji nanchi ne kwimana kulutwe ya jibumba kusapwila kasa kukyanyeye kutatula, kimye aye kyobakonsha kumupa kuba yewa mwingilo, uvwe abo baikala nasawakya wa sukuulu wa Pamulungu panyuma ya kupwisha sukuulu wa Pamulungu, bulang'ana banga bafunjishi bajingako, banga bajikwiya, banga bonse pamo bajikwiya ku sukuulu wa pa Mulungu kwibavwanga, nga byabupe byonsetu—byonsetu pamo bwapanwa bwafinga inga, kabiji ne bikwabotu byonka bya. Bakwashi, baketekelwa, bakafunga, kechi bakonsha kuuba kyokyo ne. Kechi bajipo na kimo kya kuuba nakyo ne, awa ke mwingilo wa mukulumpe wa sukuulu wa pa Mulungu.

⁷⁶ Kabiji inge aye wamona mba sukuulu wa Pamulungu ukeba bintu bimo, nanchi aye wafwainwa kupana kyokyo ku—ku kije kya baketekelwa, kabiji baketekelwa baikala na mbungeno pakyokyo, patanshi. Kabiji nanchi baketekelwa, inge batana mba paji mali avula ne bintu bikwabotu, kupichila mukalama, nanchi bino akyo kyapotwa; inge aye ubena kukeba kintu kikwabo kya wakufunjisha, nangwa musango yense mo kyaikela, nangwa ma Baibolo amo nangwa kintu kimo, abo babena kukeba kupota Baibolo umo, mwayukatu, ao wakonsha kutana byambo byavula kabiji ne kwambula Binembelo byavula, kana mutengo wabyepi nangwa kana byang'anyi musango nobe byobya, byapanwa, kabiji abo babena kukeba kupota kupichila mukipwilo. Nanchi lekai akyo kyapewa ku—ku—ku—ku bakwashi...kabiji nanchi lekai abo bapalanguzhe inge kyakoshenka—inge kyakoshenka—inge kyakoshenka kubiwa kwi kalama. Mwamona?

⁷⁷ Kabiji pano Amiwa nalanguluka mba akyo kyasenda kala mepuzho faivi pa kyokyo.

Pano pa kyalondelapo, ke:

228. Mulongo Branham, mukupana mushingi mwaila ndoonda

ya kipwilo, atweba twaeseka kuya mwaila jishinda ajo atweba motwakwantakenya ndoonda yapanwa yakupesheshamo kipwilo kyakatataka. Kabiji pakuuba kyokyo, bamo baikala bakonya ne kusha kipwilo. Kabiji bakwabo kechi bakonsha kuteleka ku kintu kyo twafwainwa kwamba ne, kukijishamo baana. Atweba twajikwambanga ku basemi pa baana babo, kabiji kechi bakonsha kwibalama bulongo abo ne. Pano, kana atweba kechi twauwisha nenyi? Nangwa, kana atweba tubena kuila mujishinda jatama nyi? Twasanta.

Pano lekai amiwa kumbule bibye byonka byobyaiya kuno.

Mukupana mushingi ku ndoonda ya kipwilo, atweba twaeseka kuya mwaila jishinda ajo atweba motwakwantakenya ndoonda yapanwa yakupesheshamo kipwilo kyakatataka.

⁷⁸ Pano, akyo kyalumbuluka, ubena kuuba bulongo. Pano, akye kyafwainwa kwikala ku bakwasho, Amiwa naketekela, mambo kiji muno, ke mwingilo wa bakwasho. Kijitu bulongo.

Kabiji pakuuba byobyoy, bimye byavula . . . bantu kimye kyonse bakonya pe atweba.

⁷⁹ Abo byoboba pe amiwa, ne abo! Abo bakonsha kuuba pa muntu uji yense. Mwamona? Muntu uba kyokyo, pajipo kintu kimo kyatama pa yewa muntu. Abo kechi baji bulongo na Lesa ne, mambo Mupashi wakwa Kilishitu ukokela lufunjisho lwa Kilishitu, nzubo ya Kilishitu, ndoonda ya Kilishitu. Mwamona? Kabiji mwanamulume uji yense . . . nangwa mwanamukazhi uji yense, nangwa muntu uji yense, baana, ao wafwainwa kuzhingijila na kwasho namambo akumubula mujishinda ja bulesa joafwainwa kwikelamo . . . kabiji, nangwa nsemi kuzhingijila awa kwasho . . . Kine, atweba tubena kukeba muntu yense uji mu kino kipwilo kyo twakonsha kutana; bino inge akyo kyakonshatu kuleta lukatazho pantu pamo, pajipo mwiiba popa nangwa “kalulu kaji mulupako,” nobe atweba byotwapijilwa kwaamba mba. Awa muntu kechi ujitu bulongo ne.

⁸⁰ Inge bafumapo, kujitu kintu kimo kya kuuba: balekai bayenga, na kwibalombelela. Mwamona? Nanchi kampe bamo bankwasho baya kokwa ku kipwi- . . . nangwa, yaiko ku nzubo yabo bimye bimo, kabiji ne kutana kika abo kyobaijile, kabiji nekwibepuzha kika kyatama kwi abo. Nanchi, kabiji inge abo . . . Mwamona inge wakonsha kwibapwanya abo. Inge abo kechi bakonsha ne, nanchi sendaipo babiji nangwa basatu batumonyi bakuya nabo kwi aye, amba abo bakonsha kukwatankanya. Nanchi inge aba kechi bakonsha kuvwa ne, nanchi kyafwainwa kubulwa ku kipwilo inge abo keba membela ba kipwilo. Nanchi abo ke . . .

⁸¹ Kabiji nanchi inge abo kechi bamembala ba kipwilo ne, mambo kechi bamembala ba kino kipwilo ne, abo bafwainwa

kwikala bantu *bakonsha* kololwa. Mwamona, abo—abo bafwainwa kuteleka ku ndoonda yetu papo, mambo ino yo ndoonda ya kipwilo. Abye byo bintu byo tubula kukeba kuuba, bintu abyo Amiwa byo mbula kukeba kuuba, bino ke bintu byafwainwa kubiwa. Kabiji Amiwa mwine mbena kwibileta patoka: kabiji ne kwibabula muno na yiwe tepu, ke amiwa, bakonsha nkung’umvwa amiwa nakwamba kabiji ne kuyuka mba ye amiwa, kechi anweba banabalume ne. Anweba mwaipuzha *amiwa* ao mepuzho, kabiji Amiwa byo mbena kupana kwi anweba monka amo Amiwa nayukila kufuma mu Kyambo kya Lesa.

⁸² “Pano, inge abo bantu bakuzhingila bukiji kabiji bafuma mwi obewa, pano nga Kinembelo kyaambapoka pa kikye, Mulongo Branham?”

⁸³ “Bafumine kwi atweba mambo kechi bajinga ba mwiatweba ne.” Kabiji akyo kyaikajika byonse. “Bashile kipwilo,” abyo byo baubile. Kijitu bulongo.

Bakwabo kechi bakonsha kuteleka ku kintu akyo atweba kyo twafwainwa kwamba ne, kukijishamo baana.

⁸⁴ Abo baana bafwainwa kuyuka byakwibolola, abo bafwainwa kwikitambula kufuma kunzubo. Bino nangwatu inge ke bami, baana bami bafwainwa kutambula kuno kimye kiji kyonse, abo batanwa mwabula ndoonda, Amiwa kechi nakeba mba anweba mutolepo kingi ne; Sala, Libeka, Yosefwa, Billy, nangwa uji yense. Anweba mwafwainwa ku mbula amiwa, Amiwa kekimona. Inge abo kechi basakukokela ne, nanchi bafwainwa kufuma mu kipwilo poso abo bakayuke byaitabilwa byakuba. Akye kechi kyakukaiamo ne, aino ke nzubo ya Lesa. Ino kechi ke mpuzha ya kukaya ne, kabiji ne kubijika, ne kunemba, ne kuseka, ne kubijika ne, ino yo nzubo yakwa Lesa; yafwainwa kusendwa mwaila bulesa.

⁸⁵ Anweba mwiya kuno na kupopwela, kechi na kumpepula ne. Akino kechi ke—ke kibanza kyampila ne, akino kechi kekifulo kya kwimpepwilamo ne; akye ke kifulo kya lupepu lwa Mupashi Wazhila, telekai ku byo Aye byoakonsha kwamba, kechi ku umo ne mukwabo ne. Atweba kechi twiya kuno na bupopweshi bwa lumvwang’ano lwa umo ne mukwabo ne, twiya kuno na lumvwang’ano lwa bupopweshi pamo ne Kilishitu. Ayino ke nzubo yabupopweshi. Kabiji baana bafwainwa kufujishiwa bulongo, kabiji inge abo ke . . . bakonsha kwikala na bansemi. Lekai akino mwikiyuke mba inge abo bankwasho . . . inge abo bansemi ba baana kechi bakovwa kubyobya abo bankwasho byobakamba ne, nanchi awe nsemi wafwainwa kwibolola aye mwine.

Atweba twajikwambanga ku basemi pa baana, kabiji kechi bakonsha kwibalama ne.

⁸⁶ Inge abo bamembala ba kino kipwilo, nanchi bafwainwa kusenda babiji nangwa basatu ne obewa kabiji ne kwita awa nsemi kumbaji mumwisambo, mu ofweshi umo wamu ao. Amiwa kechi natako muchima ne nangwatu kikale byepi, inge kiji amiwa, inge kiji Mulongo Neville, inge byo kiji Billy Paul ne nsongwalume wanji mucheche, inge ke Mulongo Collins ne baana banji bonse, nangwa anweba bonse bashala. Atweba twi... Atwe twitemwa umo ne mukwabo, bino twafwainwa kwingijila Lesa ne kikye Kyambo. Inge ke Doko, ba... nangwatu kikale byepi, twafwainwa kwitela umo ne mukwabo ne kwikala wakishika ku umo ne mukwabo. Bushe nga Lesa wakonsha kwingila byeepi ne atweba, inge kechi twaikala ba bukishika ku umo ne mukwabo nenyi? Bushe atweba twakonsha kwikala byepi ba kishika ne Aye? Mwamona?

⁸⁷ Awe ke mukambizho, twafwainwa kulama nzubo yakwa Lesa! Kabiji bankwasho bafwainwa kuyuka mwakubila kyokyo. Mwamona? Kabiji oene mambo ao Amiwa mbena kwimubujila pa kino kimye, anweba mulamaitu. Kabiji inge kikiye, anweba mwabula basemi bino abo kechi bakovwa ku kikiye ne, kechi bakateleka ku kikiye ne, nanchi anweba mwafwainwa kusendelapo nkwasho mukwabo nangwa umo wamu baketekelwa, nangwa umo wawama wa mukipwilo, ne kumwita...tolai ayo wakete...Tolai kije kya bankwasho, bonse bankwasho pamo, ne kwamba mba, "Mulongo Jones, Mulongo Henderson, Mulongo Jackson," nangwa uji yesne wafwainwa kwikala, mwamona, "ne boba baana babena kubula kumwasha byubilo byawama, atweba twibabula abo bimye bibiji nangwa bisatu namambo a baana babo, kabiji kechi babena kuvwa ne."

⁸⁸ Nanchi bino mwite Mulongo Jones, nangwa Mulongo *Uji-yense-tu*, ne kwaamba mba, "Mulongo Jones, twimwita pano pa kupwila. Atweba twimutemwa, kabiji atweba...obewa wi lubaji lwetu, obewa wi umo wa mwi atweba. Lekai amiwa ngikaletu na yiwe tepu umo ne kuteleka byaambile Mulongo Branham pa kyokyo, mwamona. Pano, atweba twalomba mba obewa ukwashe babo baana bekale nabyubilo byawama. Mwamona? Inge kechi bakekala na byubilo byawama ne, kabiji kuuba mwibalengela kwikala bawama mu kipwilo ne, wafwainwa kwibasha namuntu umo bino obewa wafwainwa kwiya kukipwilo poso abo pobakafunda abo bene na byubilo byawama mu nzubo yakwa Lesa." Mwamona? Bino aye ke ndoonda, yafwainwa kubiwa! Mwamona?

Pano, jipuzho jikwabo jiiya bino.

Pano, atweba kechi twakwantakanya nenyi?

⁸⁹ Ine, mwane. Obewa kechi wakwantakanya bulongo ne, akyo kyalumbuluka. Amiwa mbena kwikyamba ne jikwabo, mwaila ndoonda. Munzhita yabashilika, abo kechi be mwipuzha

anweba vulukai mba, anweba mwibamalonda banji, anweba yenu bamalonda banji ba Mambo awama. Mwamona? Kabiji inge kibena kulubankanya mbila ya Nkambo, nanchi anweba bankwashi, kika kyomukoba anweba? Kijitu pamo nobe, muntu ubena kwamba munjimi, aye uji na mwingilo. Kabiji ne muntu ubena kusapwila, aye wapewa yewa mwingilo wa Kyambo, aye wapewa yewa mwingilo wabyobya bintu. Kila umo wamwi anweba wapewa kwingila mu ofweshi, kabiji akyo—kabiji akyo ikyo—ikyo atweba kyo twafwainwa kuuba.

⁹⁵ Pano, atweba kechi tubena kukeba kupembelela kimye kyabaya ne, kabiji Amiwa nayuka mba Amiwa njina lulayang'ano mu mamineti acheche, nanchi Amiwa ke—Amiwa ke nsakupelawizhako bukiji bukiji abyo Amiwa byo nakonsha kuuba.

229. Mulongo Branham . . .

Kuji asatu, ne abiji mepuzho pakino kikachi papo.

Mulongo Branham, ng'anyi muzhilo wafwainwa kubikiwapo ku bantu mukutambula bya milambo mu kipwilo? Bushe akino kyafwainwa kubiwa byepi?

⁹⁶ Amiwa nalanguluka mba kutambula bya milambo mu kipwilo bya bantu kechi kyafwainwa kubiwa ne kana kampe kyakwa kafunga wenu. Kabiji Amiwa nalanguluka mba inge muntu umo waiya mu butemwe, nangwa kintu kimo kiji byobya, kuuba mba. . . Nangwa muntu umo mu—mu bya kukabila byatama, nobe umo wa bamembala betu muno, wamu kipwilo kyetu, amba inge umo wa balongo betu, kabiji baji na lukatazho; kyawama, Amiwa nalanguluka mba nanchi kyafwainwa kubijika ku pulatifomu, kabiji lekai kafunga obe kyokyo, Amiwa naketekela mba ye mwingilo wanji wa kuuba kyokyo; kujipo mulongo umo uji mukukabilapo kintu kimo, lekai aye ikipane ku kipwilo, inge kibena kukebewa kusendelwa mu joja jishinda.

⁹⁷ Inge kujipo muntu umo uji mukukabila kabiji—kabiji anweba kechi mubena kukeba kutambula bya milambo bya yewa muntu uji mukukabila ne, nanchi lekai bije bisambakane pamo ne kuswang'ana pakintu kimo mu mali asakukebewa kupana kuyewa muntu kufumina mu kipao. Bino inge kipao kyalelela pa kyokya kimye kabiji kechi bakonsha kwikyuba ne, nachi kyafwainwa kusendwa monkamwa, kyawama, lekai—lekai. . . lekai kyambiwe na kije, ne kupana ndoonda kwi kafunga, kabiji lekai kafunga epuzhe pa kikye kintu kimo. Kwaamba mba, “Pano, bufuku buno (Mulongo Wetu Jones, wajinga na—na mapuso atama, nzubo yanji yasokelwe.), kabiji bufuku buno, nobe Benakilishitu, atweba tubena kwendela pamo, ku umo ne mukwabo mwi atweba kwipana abya byotwakonsha kuba mukukwasha Mulongo Jones abwele mu nzubo yanji jikwabo.” Mwamona, nangwa—nangwa musango

yense mo kyaikela. Mwamona, atweba tufwa-. . .atweba tusa kuuba kyokyo. Lekai kyokyo twikyambe kufuma ku pulatifomu, ajo jo jishinda ja kwikyubilamo. Kabiji nanchi lekai byakwipana bipanwe byonkabya, kabiji ne kwibipana kukalama wa kipwilo. Kabiji abino byakwipana byafwainwa kupewa kupichila ku kalama wa kipwilo, kabiji ne kwibipana kwi abo. Kabiji—kabiji mupai awa muntu ubena kutambula atambule, mambo Amiwa kechi nayuka ne kana abya bibena kukebewa byamalipilo kukafulumende nangwa ne; Amiwa naketekela mba ke kintu kimo kiji byobya.

⁹⁸ Pano, bino unvwe kyaiya nobe ku—ku mwenyi waiya mu—ke mwenyi waiya nobe aye. . .awa muntu waiya mukachi, waamba mba, “Kyawama, mwayukatu kika? Amiwa—Amiwa—Amiwa jipa lwendo kabiji Amiwa nasaba tayala, kabiji Amiwa nakeba kwikala natayala wakatataka. Ntambwilai amiwa bya bupe bufuku buno bya tayala wakatataka.” Pano, akyo kechi kyakonsheka kubiwa ne. Ine, akyo kechi kyakonsheka kubiwa ne. Kabiji inge kyamweka nobe—inge kyamweka nobe ke kintu kyafwainwa, kya muntu umo ye mwayukatu, akya kije kyafwainwa kusambakana ne kumonapo kipimo kya mali akonsha kufuma kwi kalama akupotela awa muntu tayala nangwa kintu kikwobotu kyakonsheka. Nangwa kampe inge kipao kya kipwilo kyalelela, kabiji kyafukulwa kukije amba kyafwainwa. . .Aye kafunga kechi ujipo na kimo kya kuuba mu kikye ne, ba—bankwasho bafwainwa kuuba kikye, mwamona, nangwa abya bije. Kabiji pano inge kikye. . .Inge baswang’ana, nanchi panai kwi kafunga, kafunga wakonsha kutambula mulambo. Bino, monai, inge ke mwenyi, akye kya bukiji bukiji, awa mulunda uji mukyakukabila kya mali acheche kabiji anweba mwafwainwa kuvwa amba kekya yewo musango, (pano akino ke mulangulukotu wami) inge kyajingatu kya kine kyafikilamo mambo kabiji anweba mwikiyuka namambo akyokyo. . .

⁹⁹ Pano, kitanshi, inge anweba mwaya kokwa ne kutala pa mabuuku ami pa nzubo, ya bantu kwiya na kwamba mba, “Amiwa ne Levalandi *Kananga-ne-kananga* kufuma ku kino kipwilo kya *kananga-ne-kananga*, kabiji Amiwa—Amiwa njina lukatazho lwabibye pa mukwakwa kuno, kabiji Amiwa—Amiwa nakeba matayala onsetu,” kabiji nayuka mba Amiwa nafumatu ku mbung’eno kabiji najinga na kya milambo, nangwa kintu kimo kiji byobya, Amiwa nakonsha kumupa aye, kwipitu, amba ayenga nakupota matayala onsetu. Kabiji talai mu mamineti, kechi kwajingapo wamwingilo uji byobya ne, kechi waikalepo pa kyokya kifulo ne. Kabiji kuji teni nangwa tweti sauzande madola pa mabuuku kufuma pa iye myaka ayo Amiwa napana bibye, kechi bayukapo kintu nangwa kimo pe abo ne ko bajinga ne. Amiwa naishile kutana mba, bamwingilo bakwabo baamba mba, “Kika, aye wandengele amiwa kwikala *kananga-*

ne-kananga kabiji ne kananga-ne-kinanga.”

¹⁰⁰ Pano, kipwilo kechi kiji na yeo mwingilo ne, kanatu kyabo bene. Abyo ibyo. Kyabo bene, abo baji na yeo mwingilo.

¹⁰¹ Bino inge kwamweka mba kujipo kintu kimo kyafikilamo, kabiji nachi inge anweba, ba, inge anweba baketelwa mwakonsha kwaamba mba, “Kyawama, pano pembelaiko ka mineti. Awe muntu, apa popo *aji* aye, aye motoka wanji uji popa, abye byobya, bya mwekele, kabiji *abye*. Kechi kya kipwilo kyetu ne, mwamona, bino byo kiji.” Pano inge bakeba kwikyuba muyewa musango, ne kwambapo kintu kimo kyapusanako pa milanguluko . . .

¹⁰² Kechi atweba bene ne, pano, mwamona, kechi bantu betu ne, bantu betu bafwainwa kusendelwa bulongo monka muno mukachi ketu bonka—bonka betu, bonka balongo baji kuno, mwamona.

¹⁰³ Bino inge muntu umo uji pangye, kabiji mulunda umo waamba mba wafwa nzala nangwa . . . kabiji muntu umo ukeba kutwela mu pokochi wanji ne kumupa bya butemwe, akyo kijitu kwi obewa, bino Amiwa mbena kwamba kufuma ku kipwilo. Kabiji nanchi inge bantu ba mu kipwilo *baipuzhawa* amba bapane, nanchi . . .

¹⁰⁴ Pano, inge anweba muji na musapwishi, nangwa byonkabyo, mu kusapwila kuno, nanchi anweba mwafwainwa kwikyuba . . . anweba . . . akyo kyauvwanyika aye kasa akyangye kwiya, mwayukatu, amba anweba mwafwainwa kumupa aye kya mulambo, nangwa kumupa aye malipilo, nangwa kiji kyonse kyoakeba kuba.

¹⁰⁵ Bino nanchi inge aye muntu uji kuno, kabiji mambotu akyokyo kya, kabiji aye kafunga . . . ne kije bafwainwa kuvwang’ana ne kubula kafunga pakyokyo, pano lekai awa kafunga ambe mba, “Awa *kananga-ne kananga* muntu umo waikala muno, atweba kechi twayuka aye mwanamulume ne, aye waishile kabiji aye witwipwizhe . . . aye waambile mba baana banji bafwa nzala. Atweba kechi tujipo na kimye ne . . . atweba kechi twaikalapo na kimye kya kupesapesa ne ki—ki—ki—ki—ki kintu ne.” Mwamona?

¹⁰⁶ Inge pajipo kintu kimo kiji byobyoy, nanchi kyetu—kyetu . . . Inge kujipo kintu kimo mukachi ketu, kyetu—kyetu betu bankwasha bafwainwa kuya na kupesapesa akwa kukalakanya. Mwamona? Kabiji nanchi inge kyafikilamo, nanchi kyubai. Inge kechi kyafikilamo ne, kwikyuba ne, kechi mwafwainwa kwikyuba ne. Bino pano inge ke muntu uji kuno, anweba— anweba lekai kafunga ambe mba, “Pano kije kya baketekelwa bambujile amiwa mba abo kechi bamuyuka awa muntu ne. Bino awa muntu waikala muno, aye waamba mba jizhina janji ke Jim Jones,” nangwa musango yense mo kyaikela, “kabiji aye waikala muno. Mwakonsha kwimana, Mr. Jones? Pano, Mr.

Jones, kumpelo ya mpwijilo, obewa imanatu pa kibelo kya kunyuma kokwa, byo ubena kuya. Kabiji inge bantu bonse batundaikwa mu michima yabo, nangwa kintu kiji kyonse kyo ukeba kuuba pa yiwe muntu, mwikipane kwi aye byo mubena kuya.” Bushe akyo kyaumvwanika, pano?

¹⁰⁷ Kana anweba mwakwatakanya kyenu nyi? Ku boba baji mu tepu. . . Kabiji umo wamu. . . Mulongo Collins wikipijile pa tepu wanji. Amiwa nakeba kupana kyokyo kyakwambula ne jikwabo inge. . . mambo aye ye umo waba nkwasho.

¹⁰⁸ Inge—inge mujipo umo, muntu umo waiya mwi anweba. . . kabiji uji mu lukatazho lwa bukiji bukiji kabiji aye ubena kukeba kya mulambo kufuma ku kipwilo, lekai baketekelwa nangwa bakwasho basambakane pamo, kabiji lekai abo. . . basambakane pamo, kabiji bafukule akye kyakuba, kabiji nanchi babule kafunga akyo kyafwainwa kubiwa nobe *bibiye*. Lekai abo. . . Lekai aye kafunga ambe mba, akya, “Awe muntu umo,” mwitai pa jizhina, “atweba kechi twamuyuka ne. Kabiji atweba muzhilo wetu kuno ke kupesapesa kasa tukyangye kupana bya milambo bya bantu, kabiji, abyo byokiji, ku betu bene. Bino awe muntu papo, waamba mba wakajilwa uji mulukatazho, aye wajinga na lukatazho lwa bukijibukiji, aye uji na baana bakolwa, aye, ubena kweseka kupana muchi ku baana banji,” nangwa musango yense mo kyaikela, lukatazho lwa bukiji bukiji. “Pano, aye waimana ponka pano. Mwakonsha kwimana, mwane?” Mwamona, kabiji lekai aye emane. Kabiji ne kwaamba mba, “Pano anweba bantu mwamona abyo. . . awe ye ng’anyi. Pano, pa kupwisha ino mpwijilo awe muntu usakwimana popa pa kibelo kya kulutwe, kabiji bantu kasa babena kuya, aba babena kwikyumvwa amba bamukwashe pakikye, anweba mwakasuluka; atweba twikibijikatu mu kipwilo.” Anweba kechi mubena kwikikajika ne, anweba mubena kubijikatu. Mwamona, akyo ke kutambulwila awa mwenyi. Mwamona? Pano mwaumvwa nyi? Kijitu bulongo.

¹⁰⁹ Amiwa naketekela mba akyo kyapwisha ajo jipuzho jonse.

230. Pano nga matepu? Pano. Byepi. . . Pano nga matepu? Kiji na jipuzho. Nobe, bavula byobabena kunemba mu ofweshi ne kukupamo maambo obewa mambo a byubilo na matepu. Ne apo, pepi nobe bakwabo mukachi ka kipwilo babena kupotesha ma tepu, inge Mr. Maguire wakonsha kupana lukokelo kwi abo.

¹¹⁰ Kijitu bulongo. Aa matepu ke a luvwang’ano. Kabiji inge Amiwa. . . Amiwa kechi nayuka kine kimye alwa luvwang’ano polukapwa ne, bino ba ketekelwa, akino ke kya baketekelwa; kechi bakwasho ne, baketekelwa; kechi kafunga ne, kana baketekelwa. Aba baketekelwa, kyokyabo kyakutajishapo, abo—abo bobanemba alwa luvwang’ano, nobe Amiwa byo nayuka. Kabiji inge akye—akye kyalubankana, nanchi baketekelwa

bafwainwa kwikyolola. Abo baketekelwa bobaji na luvwang'ano na yewa muntu ubena kufyatula matepu, kabiji matepu na kyete kyalumbuluka kyapanwa.

¹¹¹ Kafwako nangwa umu wakonsha kufyatula matepu ne kanatu waswishiwa kuyewa muntu wapewa kyete kyalumbuluka kyapewa, kabiji kechi akosheka kupoteshiwa ne kanatu aswishiwa kuyewa muntu uji na kyete kyalumbuluka kyapewa, mambo ao ye muzhilo, mwamona, amba akye kyete kyalumbuluka kyapewa kyokya kwajijila. Mwamona? Kabiji inge awa kyet-...awa uji na kyete kyalumbuluka kyapewa ukeba kupana ku *Kananga-ne-kananga* afyatule matepu, akyo kiji kwi aye mwine. Inge aye ubena kukeba muntu yense kufyatula matepu, akyo kijitu kwi aye mwine; inge aye ubena kukeba muntu yense kupotesha matepu, akyo kiji kuyewa muntu uji na kyete kyalumbuluka kyapewa. Aye wafwainwa kwikala na—na kicheche kyanembwa paji kufwachika kwakumuswisha kupewa kwa kyete kyalumbuluka kyapewa, kya kufyatula kabiji ne kupotesha matepu, mambo nanchi aye wafwainwa kuswishiwa kumizhilo. Mambo inge aye kechi wauba kyo kyo ne, awa muntu, ujina kyete kyalumbuluka kyapewa... Obewa kwikala waketekelwa, obewa mwine, ku... (Inge pajipo—muntu watama ao wakebelenga kulenga lukatazho, aye kine wakonsha kwikyuba.) anweba mwafwainwa kwikala na kyete kyalumbuluka kyapewa, mambo anweba mujitu pamo nobe ubena kusombololatu, mwamona anweba, kintutu kimo. Anweba kechi mwaswishiwa kwikyuba kyo ne; ke kintu kyakila kutama bingi kwikyuba.

¹¹² Nanchi inge bantu babena kufyatula matepu, kampepo baji na luvwan'ano kufuma kwi Mr. Maguire awa—awa uji... awa utambula mushingi kufuma matepu. Kabiji pano... kabiji Amiwa kechi nayuka pa kyokyo ne, mambo Amiwa kechi nji na bavula muno bakayuka bibye bintu ne, kabiji nekokwa kobibena kutazhiwa. Amiwa naketekela kuuba mba Mr. Maguire ukijitu nao, mambo akwa, Amiwa nji ku California nangwa ku Arizona, akwa konka Amiwa konji, Amiwa nayuka mba abo bakipota matepu kufuma ku California. Mulongo Sothmann, bako-banji-babalume bakwa Mr. Maguire, ao ye mulongo wetu muno mu kipwilo. Amiwa nalanguluka mba Mr. Maguire ukiji nabyo, ke—ke kyete kyalumbuluka kyapewa.

¹¹³ Kabiji pano, kwaikala kwijizhang'anya kimye kyalepa bingi na mambo akufyatula kwa matepu. Pano, uvwe kujipo kwijizhang'anya kumo mwaila bya mali akino kipwilo, ke mwingilo wapewa kuba ketekelwa kumona mba bintu byonse byapwishiwa. Mwamona? Kechi twafwainwapo, nangwa pachehetu, kwikala kintu kiji kyonse ne.

Pano mwamona papo, kyaambiwa pa kikye kitupa papo, amba:

Abo babena kunembela ku ofweshi ne kutopeka anweba.

¹¹⁴ Mwayilatu, Amiwa najinga na makalata avula bingi, kabiji nakeba mba bayuke kika abo kyobakujilanga kutambula matepu abo. Pano anweba mwayuka luvwan'ano lwenu na yewa uji na kyete kyalumbuluka kyapewa, nobe Amiwa byonayuka. . . Aa matepu, Amiwa—Amiwa kechi kebapo kintu nangwa kimo kyakwingila nabo ne, amiwa mwine, inge muntu umo wakonsha kwingijisha tepu pa kuya kulutwe mu Mambo awama, “Amena!”

¹¹⁵ Bino, kitanshi, Mulongo Roberson ne abo batatwile kwibalengela, Mulongo Beeler ne bakwabo bavula batatwile kwibalengela kwikala; kabiji pano bansongwalume babiji, Mulongo Mercier ne Mulongo Goad, be balengele pa myaka yavula; kabiji, nangwa byonkabyo, kimye yensetu palengele ke byabo, akwa kokwajinga kwijizhang'anya ku yesnetu. Bino, kino kyamwekelenga kuno kimye kasa kyapwa kala, kwajinga kwijizhang'anya kwabaya pakubula kutambula matepu abo. Bantu bangichile amiwa kufuma mwaya kyaalo. Kabiji nanchi kikwabo, akyo, kya-bwezhiwe ku matepu ke kujizhapo kintu kimo pa mineti umo, kabiji ne kujizha ku umo ne mukwabo, ke kintu kikwabo, kabiji nanchi abo kechi bakwantakenye akya kyobajinga nakyo ne.

¹¹⁶ Pano, abo bantu babena kulipila ku ano matepu bafwainwa kutambula tepu wafikilamo. Amiwa kechi natako muchima ku byo bafwainwa kuuba ne, atweba tubena kukeba kumona bantu betu ne balongo betu (abo bo bantu betu ne balongo betu, ne bikwabotu), bafwainwa kwikala na “Nambala mutanshi wa” tepu. Pano, anweba baketekelwa monai ku kyokyo, amba abo bantu batondwa. Inge kechi batondwa ne, mali abo afwainwa kubwezhiwa kwi abo ponkapotu.

¹¹⁷ Kabiji muntu umo wangichile amiwa, ne kwamba mba abo bapembelejilenga bang'ondo ku matepu. Pano, Amiwa kechi nayuka Mulongo Maguire ku kikye ne. Amiwa—Amiwa kechi nayuka pa kikye ne, nobe abyoo Amiwa byo nayukapo nangwa kimo pa kikye ne. Kabiji Amiwa. . . Kechi ke mwingilo wami wakuyuka pa kyokyo ne, ke mwingilo wani kabiji ne baketekelwa. Kabiji Amiwa kechi mbena kweseka kutwelamo mukikye ne, bino Amiwa mbena kwimubulatu mizhilo ya kikye. Mwamona? Awa muzhilo wa kikye ke wakuuba mba ao matepu, kufuma ku kimye kyo beatuma kwiabo, ao matepu afwainwa kwikala mu mukwakwa juba jimo, nangwa asatu, nangwa foolo, nangwa moba faivi; panyuma ya kutuma matepu, kyafwainwa kwikala mu lubesha nangwa akya kyete kyalumbuka kyapewa kyafwainwa kwikikanya kimye kiji kyonse uvwe aye ndoonda yabulwa kukokelwa. Mwamona?

¹¹⁸ Pano, kabiji kila bang'ondo sikisi nangwa mwaka, akye kyafwainwa kwikipewa ngovu jikwabo, alwe luvwang'ano lwafwainwa kupewa ngovu jibiji. Anweba mwafwainwa

kusambaka pa *jije* juba apo akino kyete kyalumbuluka kyapewa pokibena kwamba mba anweba mwafwainwa kusambakana. Kabiji nanchi kyafwainwa kwikala, akyo ke, bantu bakwabo bafwainwa kwiya pa kyokya kimye, kabiji anweba mwafwainwa kubulako bantu bakwabo abo bakwipuzhanga pa matepu, kabiji mwaiya pamo muluvwang'ano ne kwikala panshi ne kwisamba pa kyokyo.

¹¹⁹ Pano, aye ndoonda yafwainwa kubiwa! Mwamona? Kabiji kyafwainwa kubiwa bulongo, mambo ke kwijizhanya. Abo bejizhañenye kwi Leo ne Gene, bejizhang'ene na bonse, ke kwijizhanya na Mulongo Maguire, kabiji kikekala kyakwijizhang'anya ne ku muntu mukwabo, bino twayai tutuluke kine kintu kyabyakwijizhang'anya byokiji.

¹²⁰ Pano, bino uvwe matepu atatulwa kupayulwiwa, bibokoshi byabo, makalata amadazeni akapayulwiwa, kabiji abo... Mwamona, kechi kyafwainwa kuponena jibiji kumwine wa matepu ne, kipunena pa amiwa. Abo kimye kyonse bajijila amiwa pa kyokyo. Pano, ke mwingilo wami nobe Mwinakilishitu kumona mba bantu baatambula kyo balipila, kabiji Amiwa nkeba mba anweba baketekelwa mwamona mba bonse batambula. Inge abo bafwainwa kupingula byavula, tolai tape wawama, tolai mashinyi awama, atweba tubena kukeba muntu awa wafyatwile awa tepu ao wafyatula bulongo. Akyo kyo kintu kyakuntako michima yetu. Tepu wafwainwa kulondololwa bulongo! Kabiji ne bantu betu bafwainwa kwikala batondwa, nangwa kuleka bintu byonse pamo, kechi tukekala na matepu ne, lekai muntu uji yense ea lenge ubena kukeba. Bino inge abo bakaya nakupingula malipilo avula, lekai mba abo batambula mwaila malipilo abo, mambo bobwina Kilishitu. Akyo kechi yakila pa kuuba ne. . .

¹²¹ Kabiji uvwe abo baiya kuno nakuteleka ku Mambo awama, Amiwa nakeba kwibapa buyuke abo Amiwa bo nayukisha bya kwibapa, mwamona, kabiji uvwe abo baiya kuno Amiwa nakeba kumona mba uji yense ne bintu bikwobotu byasendwa. Ao oene mambo ao Amiwa mbena kwi mubula anweba bankwasho, baketekelwa, kabiji ne bakafunga, bufuku buno, amba anweba mwafwainwa kusenda bino mu nkalata, mambo bantu bakeya kuno bafwainwa kutana Lesa, kabiji atweba twafwainwa kwikala na bibye bintu mu ndoonda.

¹²² Kabiji ne matepu afwainwa kubikiwa apa ponka pa kifulo pabyo. Inge abo bakonsha kupingula avula, inge abo bakonsha kwikala mukalasi-wabubiji wa matepu ao ye babena kwingijisha, nanchi batambule matepu awama. Inge abo baji nakwibapingula avula, pingulai byavula ne abo, lekai muntu atambule mwaila malipilo ao oba mupingula.

¹²³ Amina kechi natako muchima ku kimo kya bumushingi wakepa ne, kechi na kintu kimone, kabiji kechi ne na kutako

muchima wa tambanako ne; Amiwa kechi nakeba obewa kwikala ne. Kechi mwikale na kijikila pa kyokyo ne, mu—mu malipilo ne. Inge abo bakosha kupana kintu, Amiwa naketekela anweba mwafwainwa kutolapo kalubaji kacheche namambo akuba byalengwa kuno. Amiwa nalanguluka mba akya ke kintu kimo kyo baambilepo, Mr. Miller, ne bakwabo, mwaila mizhilo, atweba twatolelemo lubaji, nangwa bikwabotu. Akyo kijitu kwi anweba bonse mba bamone kyokyo. Amiwa kechi, kafwako kyonakonsha kuba na—na byobabika pamo ne; anweba bonse mwafwainwa kwibusunga bulongo. Amiwa kechi nakonsha kwibusunga byonse ne, Amiwa mbena kwimubulatu jishinda jomwafwainwa kubilamo ne kusendelamo. Amba... Anweba mukwatankanye, Amiwa naambile mba “mwafwainwa kubila bintu.” Nanchi atweba tubena kukeba bintu kwibyuba bulongo.

¹²⁴ Kabiji inge abo bakonsha kwikala na mashini awama ukusenda, nanchi sendai mashini awama. Inge kyafwainwa kwikala... Pano, Amiwa naambile kwi abo, Amiwa naambile mba, “Nkwashi yense...kamishonyi kacheche ako Amiwa nsakuya mu mwingilo, kasa Amiwa kyangye kuya, Amiwa nsakwimubula anweba busampwishi abo Amiwa bosakuya nakusapwilapo kokwa, kintu akyo Amiwa kyojinakyo kala...” Kabiji Amiwa ne mulaile anweba bonse, amba Amiwa nkebubwezha jibiji Pamulungu bufuku, amba, “Kasa kyangye Amiwa kusapwila mbila yakatataka, kyafwainwa kwiya kufuma kuno ku tambanako patanshi, mambo abo bamweka nobe baji nabyakufyatula mawi byawama.” Anweba mwavuluka kyokyo? Nanchi kika akyo Amiwa kyonashila kuno, kusapwila mbila yami, nanchi bino mbelele jibiji ne kubula awa muntu wamatepu pa mpwijilo. Abo bangipuzha amiwa, “Kika umotu? Kika kyousa kusapwila obewa?” Amiwa namubuujele mba, “*Abuno* bufuku Amiwa mbena kuya na *kikananga-ne-kikananga*, *buno* bufuku, *kikananga-ne-kikananga*,” nanchi pakuba amba abo bakakonshe kulenga ne kwibinengezha ku yewa wakupota mukusenda kyawama bulongo; kwikitambula kyawama bulongo, awa tape wawama kukila byo bajinga nabyo kimye kya mbungeno, mambo kyalengwa bulongo kuno ku tambanako ako kuji bikobwakobwa byawama. Mwamona?

¹²⁵ Pano, pano kuya mu bubwe busapwishi bukatampe, akyo Amiwa kyo nsakuba pano ke kubushiya bwa tulunga twa meema ne bintu bikwabo, Amiwa kuuba nalaya kyokyo ne, mwamona, Amiwa kechi nakonsha kulaya mba Amiwa nkasapwila mbila yami itanshi kuno ne. Mambo uvwe wasapwila konse, mbila, yafwainwa kwikala na kintu kimo akyo... Kyaikala kyabula kintu kwi anweba, kabiji kikakonsha kwikala kyabula kintu kuyewa umo ubena kuteleka. Obewa wafwainwa kubapo kintu kimo kypusanako, mwamona, kabiji ne kuletatu Mbila iji *konka*. Bino lekai abo batwale mashini mumwingilo, nangwa kiji

kyonse kyabyobyoby, akyo kikasenda ao matepu kyalumbuluka.

¹²⁶ Kabiji ne kulenga tepu walumbuluka, kabiji kila tepu wafwainwa kujila jikwabo ne kumupesapesa kasa akyangye kuya, nangwa kwimikatu kyonsetu; kechi biji na kyakuuba ne, lekai muntu yense alenge tepu wanji. Mwamona? Bino kyubai bulongo pano, mwamona, pakuba amba akwe kwijizhang'anya kupwa. Atweba kechi tubena kukeba kwijizhang'anya konse ne. Inge kuji kwijizhanga'nya, twayai twibilame bulongo, nanchi atweba tukekala nabyo kokwa.

¹²⁷ Pano, Amiwa nsakupelawizhako bukiji bukiji abyo byo nakonsha kuuba. Billy wajinga na mepuzho abiji akwabo kuno, nangwa asatu, popo atweba tusa kupwisha.

231. Bushe pepi, Mulongo Branham, pakonsha nangwa kana nkwasho wakonsha kupelela pepi mukulama ndoonda mu kipwilo? Bushe atweba twafwainwa kulama ndoonda nangwa kupembelela poso Mulongo Neville witubuula atweba bya kuuba nyi?

¹²⁸ Ao kechi ke mwingilo wakwa Mulongo Neville ne, ao ke mwingilo wenu. Mwamona? Anweba kechi mwakonsha kubuula Mulongo Neville bya kusapwilapo ne, bya kwikisapwila ne. Mwamona, awe ke mwingilo wenu, anweba bankwasho, mwafwainwa kuuba kyokyo. Anweba yenu bakulamawizha bibye. Akyo kechi kijipo ne kwi Mulongo Neville ne, ao ke mwingilo wenu. Mwamona?

¹²⁹ Pano, inge awa kapokola waya mumukwakwa kabiji wamona muntu ubena kwiba kiipe kufumya kuyewa motoka, bushe aye wakonsha kutumina meya ne kwaamba mba, "Pano, Meya, Mushingi mwane, bakulumpe, Amiwa mbena kwimwingijila kuno nobe kapokola; pano, Amiwa natana muntu mumukwakwa kuno, aye—aye wakwibanga tayala kufumya ku motoka bufuku bwapita; pano, Amiwa nakumya, kana ngaandangulukilo yenu pakikye yoika?" Uu! Mwamona? Mwamona, akya kyakonsha kwikala kyakatazha, byokyakonsha kwikala? Ine, mwane. Inge aye wakubanga kintu kyatama, mukwate aye.

¹³⁰ Kabiji umvwe muntu ubena kuuba kintu kyatama mu kipwilo, nangwa muntu uji yense, bakanyayi, ambai nabo. Kechi mukalauke ne; bino inge abo kechi basakuvwa ne, ambai mumusango ye basakuyuka amba anweba mubena kwamba kobaji. Mwamona? Mwamona, nobe byonka anweba byo mubula mwaana, ambai, "Yai kunyuma kokwa," kabiji aye nge keamweshe byubilo byatama. Bankwasho, ikalai pa kifulo kyenu! Bikai. . . Kuji banga foolo, ikalai babiji kulutwe kabiji babiji kunyuma, kokwa ku koono nangwa kuntu kuji byobya nobe byobya. Kabiji kenketai bulongo, monsetu ne byonsetu byafwainwa kwiya nobe byobya, mwamona. Kabiji anweba kwikala malonda, anweba mwafwainwa kwikala pa mwingilo

wenu kabiji ikalai ponka, akya kyo kipona kyenu; nangwa kwimana ku lubaji lwa kibumba kabiji ne kumona muntu yense utwele mukachi.

¹³¹ Awa nkwasho ulamawizha mwaila nzubo yakwa Lesa. Muntu umo inge waiya, ambai nanji; ikalai popa nakwibemuna abo, bemunai mumaboko. Abyo byokiji, amba anweba mwiba kapokola, “Kana twakonsha kwimumweshwa kukibamba kwakukokolokela nyi?” nangwa, “Bushe anweba musakwikala nyi?” “Bushe atweba twakonsha kwimupa buuku wa lwimbo wawama nangwa kintu kimo nyi?” nangwa, “Pano atweba twafwainwa kutemwa anweba kwikala bakasuluka anweba bene pano, kabiji—kabiji ne kulomba, kabiji—kabiji tuji bingi na lusekelo atweba pa kutanwa kuno ne atweba bufuku buno.” Batangijilai abo pakwikala pakifulo, kabiji ne kwibambila mba, “Bushe anweba musakutemwa kwikala kwipi nangwa bushe musakutemwa kwikala kuno kunyuma?” nangwa kuji konse. Akyo ke kutambulwila.

¹³² Aye kapokola (nangwa nkwasho) aye ke kapokola mushilikale wanzhita, wakatambulwila, bino aye uji na luusa. Mwamona? Anweba mwayukatu kapokola mushilikikale byo aji, aye mwailatu, inge aye wasenda mwaila luusa lwanji, Amiwa naketekela mba aye uji pamo nobe chapulini. Anweba mwamona? Ke kutambulwila ne bintu bikwabotu, bino aye kasa aji na luusa. Mwamona, anweba mwafwainwa kumuta muchima. Mwamona, aye ubika. . . Aa mabwe ajinga popa ne kupendwa, kika, aye ubika pakifulo kyabyo. Kabiji byokiji ke nkwasho wa kwibabika mu bifulo byabo.

¹³³ Pano, vulukai, nkwasho ke kapokola, kabiji aya ofweshi yabankwasho ke yibikosesha kukila ofweshi uji yense mu kipwilo. Amiwa kechi nayukapo ofweshi wakila kusumininwa nobe ofweshi wabankwasho ne. Abyo ibyo, mambo aye uji na—aye uji na mwingilo wakine, kabiji aye ke muntu wakwa Lesa. Aye ke muntu wakwa Lesa nobe byonka biji kafunga muntu wakwa Lesa. Kyakine, aye byo aji. Aye ye kalume wakwa Lesa.

¹³⁴ Pano aba bakeketelwa, kintutu kyabo, baji mumwingilo wakwa Lesa wakatujisha pa mali ne kulamawizha bipe, ne bintu kasa bibena kuya nobe byobya. Amiwa ne mubuula pa matepu, kabiji—kabiji ne bintu bikwabo bibena kubiwa, mwaila kishimikwa ne byakuwamisha, ne mwatala bya mali ne bintu bikwabotu, ke—ke abya bya baketekelwa: abya bipe byonsetu, bya mali kabiji ne bintu bikwabotu. Abo bankwasho kechi bajipo na kintu kimo kya kuuba mu kyokyo ne. Kabiji nangwa ba—baketekelwa kechi bajipo na kintu kimo kya kuuba na ofweshi wa bankwasho ne.

¹³⁵ Pano, inge bankwasho bakeba kwipuzha kufuma kubaketekelwa pa kintu kiji kyonse, nangwa—nangwa baketekelwa ku bankwasho, kabiji anweba bonse mubena

kwingijila pamo...Bino ayo ke mingilo yenu, ke kutuluka. Mwamona? Kijitu bulongo.

¹³⁶ Pano, ine, kechi mwakonsha kwipuzha Mulongo Neville ne. Inge Mulongo Neville wimwipuzha anweba mba ubepo kintu kimo, nanchi akyo—akyo ke kafunga wenu, na kwikitambulwila ne butemwe kabiji ne byonsetu...Inge aye wakonsha kwamba mba, “Mulongo Collins, Mulongo Hickerson, Mulongo Tony, nangwa *muntu umo*, bushe anweba mwamonapo kika kyatama kokwa kunyuma kukona?” Pa kifulo kyamwingilo muyewa musango, mwayukatu, nobe muntu wakine wakwa Lesa.

¹³⁷ Vulukai, anweba kechi mubena kwingijila mwingilo wa Branham Tambanako ne, nangwa anweba kechi mubena kwingijila Mulongo Neville nangwa amiwa ne, anweba mubena kwingijila Yesu Kilishitu. Mwamona? Anweba...Ao ye Iye anweba ye mubena ku...Kabiji Aye—Aye ubena kupana mushingi ku lukokelo lwene nobe byonka Aye byo aji kwi kafunga nangwa ku muntu mukwabo, Aye ubena kuketekela lukokelo lwenu! Kabiji atweba tubena kukeba kumweshwa lukokelo lwetu.

¹³⁸ Bino, kimye kimo kikala kyakosa. Ke kyakosa pakuuba mba amiwa mone wamwingilo waikala popa kasa Amiwa natemwa na muchima wami yense, wafwainwatu ku mubula; mwamona, bino mujishinda ja butemwe, Amiwa njina kuboko kwakumukwasha aye. Bino, mwamona, kabiji baishile kwi amiwa ne kwamba mba, “Mulongo Branham, obewa wi muntu wawama bingi, kika kyo wakonsha kunekenyakotu pacheche pa lubatizhilo, kabiji ne pa *kikye, kyokya*, kabiji ne *kikwabo*, kabiji abwa bukikizhi, ne awa lukunwa wa mulolo?”

¹³⁹ Amiwa naamba mba, “Mulongo, Amiwa nemutemwa, bino pano twayai tu-...tolaitu Kinembelo ne kumona uji bulongo nangwa ine.” Mwamona, Amiwa nafwainwa kwikala...

¹⁴⁰ “Oo, pano, Mulongo Branham, Amiwa nakubuula obewa, anweba bonse mwaya mungi.” Mwamona, waya kasa atumbuka.

¹⁴¹ “Oo,” Amiwa naamba mba, “kyawama, kapepo Amiwa byonji. Nanchi, inge Amiwa byonji, kine (kabiji anweba mwambula amiwa, anweba...anweba mwayuka ako Amiwa kyatama pokiji) nanchi anweba mwafwainwa kumweshwa amiwa apo Amiwa ponaya mungi.” Kabiji Amiwa kasa naswa nsakutambulwila, mwamona.

¹⁴² Kintutu kimo, “Anweba, kechi muji na mwingilo wa kubuula yewa mwaana kwikala panshi ne.” Pano, nkwasho ye—ye kalama wa nzubo yakwa Lesa. Mwamona? Pano inge anweba...Aye ulamawizha nzubo yakwa Lesa kabiji ne kulama ndoonda. Abyo byobyaamba Kinembelo, kabiji inge anweba muji nakintu kimo kyapusanako akyo nkyakonsha kuba bakwasho, wafwainwa kwiya ne kumbula amiwa. Mwamona,

kujitu kintu kimo, bino ao—ao ye mwingilo obe wakuuba kyokyo, ee, wabweleletu panyuma.

¹⁴³ Kabiji wafwainwa kwipuzha muntu uji yense, ao—ao ke mwingilo obetu. Mulongo Neville kechi wakonsha kwipuzha muntu uji yense ne, kipwilo kechi kyafwainwa kwipuzha ne. . . Amiwa natazha mu kuuba mba, ba—ba—baketekelwa kechi bakonsha kuya na kwipuzha Mulongo Neville ne inge—inge ubena kukeba mutenge wakubika pa tambanako. Mwamona? Ine, ine, akyo kechi kijipo na kintu kwi Mulongo Neville ne, kafwako nangwa kimo kwi amiwa ne, akyo ke kwi anweba. Bankwashi kechi bafwainwa ne. . .

¹⁴⁴ Ke jishindatu jimo ne kwi kafunga. “Kika kyo usa kusapwilapo? Amiwa kechi mbeni kukeba obewa kuuba *kikye* ne.” Abo kechi bajipo na mwingilo wa kwamba kyokyo ne, aye uji mushi yakwa Lesa, mwamona, ke kafunga wabo. Kabiji nanchi inge—inge—inge. . . Mulongo Neville, aye usapwila mbila ayo Nkambo yo etupa, kabiji atweba bonse tujitu pamo mu kikye. Kabiji inge Amiwa nabuula Mulongo Neville kintu kimo kiyatama, Lesa wandamina amiwa mwingilo wami. Abyo ibyo. Mwamona? Nanchi Lesa ye Mukulumpe wa byonse. Mwamona? Kabiji atweba tubena kwingilatu nobe bantomesha Banji, mwamona, muno mu maofweshi.

232. Nasashijila ne- . . .

Jipuzho jalondelapo, kabiji Amiwa nalanguluka mba tuji najapelako jimo jikwabo, kabiji nanchi atweba—atweba tusakuleka.

Twashijila tulumbulwilai mwafwinwa kwingijila byabupe bya njimi mu kipwilo. Amiwa ne kyuba kala akyo. **Kimye ka kyafwainwa kipwilo kubikiwa mu ndoonda nobe. . . nangwa byabupe byafwainwa kwingila kimye ka?** Atweba twalumbulula kala byobyo.

233. Baanga baji na k-i-l-i-s-h-u-t-u-m-a. . .Mwakonsha anweba kumona byo kiji nyi? [Mulongo Billy Paul waamba mba, “**Bingijisho.**”—Waku.] Oo. **Bingijisho. Bushe biinga bingijisho byotwafwainwa atweba kwikala nabyo mukipwilo kufumyako bya bimbondi ne munsakai?**

¹⁴⁵ Kyawama, kyaikelatu pa inge anweba mwajinga na jibumba ja bakwimba nangwa kiji kyonse kyo mwajinga nakyo, mwamona. Amiwa kechi nayuka byo muji nabyo ne, akye kyalumbulula, Amiwa kechi ne kyumvwa ne. Bino bimbondi ne minsakai ke byombesha bya mukipwilo. Pano, inge awa wimbisha wakonsha kufukula amba bapote matolopinta ne kooni ne bintu bikwabotu nobe byobya, kabiji muntu umo waiya mu kipwilo na kwimba bibye bingijisho. . . Kabiji baji mu jibumba ja bakwimba, kabiji—kabiji pano, mambo, nanchi akyo ke kya baketekelwa, bakonsha kwisenda baketekelwa kabiji ne kumona inge abo bakonsha kwikala na mali akupota

bingijisho ne bintu bikwabotu, nangwa byonse byobakonsha kupota. Amiwa naketekela mba abyo jipuzho jabo byo jiji.

¹⁴⁶ Bino inge baji na byombesha byabo, kyawama bingi. Inge abo kechi baji na bingijisho byabo ne, kabiji ke bamembala kuno bajibumba bemba, kechi muntu wakanyematu kwiya kuno ne kujizhatu jimo kakimye kacheche ne, kabiji wanyema nobe byobya, kyafwainwa kwikala jibumba jaba kwimba mukipwilo. Nge kipwilo kechi kyakonsha kupota ne—ne—ne—ne tolompita ya muntu umo wakujizha kuno kabiji kesha jalondelapo bufuku ke kuntu ukwabo, kabiji kuntu kukwabotu, kabiji ne kwikibika popa jimotu kacheche ne kujizha pachechetu. Ine, mwane. Kyafwainwa kwikala jibumba jaba kwimba kuno, ikalai na jibumba jaba kwimba ne—ne ntangi wabo, kabiji nanchi kipwilo, kyafwainwa kwisambapo bingijisho byafwainwa kupotwa.

234. Twasashijila tulumbulwilai abyo atweba byotwafwainwa ku...abyo atweba bankwasho byotwafwainwa kulama bantu mukipwilo kasa baiya nangwa panyuma... Twasashijila tulumbulwilai.

[Mulongo Billy Paul watanga: “Nga bankwasho bakonsha kulama byepi bantu mukuzhindama mu nzubo yazhila kasa bakyangye kuya ne panyuma yakufuma mu kipwilo?”—Waku.]

Oo. Kijitu bulongo.

¹⁴⁷ Amiwa nakonsha kufukula kikye, batemwe. Pano, kuji kintu kikatampe bingi. Nanchi atweba inge twajinga na kimye kyabaya kya kwi kibikapo, mambo ke—ke...kyalumbulula kintu kimo kwi atweba, mwamona. Pano, kipwilo kechi ke. . .

¹⁴⁸ Inge anweba mukeba mba...Inge anweba mukeba mba muvwe ku yiwe tepu papo bufuku buno ne kujizha kasa mukyangye kwikala na mbungeno, aba bantu bakakwantakanya, lekai yiwe tapu ajile; kino kibese kya tepu bino kechi kyabaishane, kakimye kanotu. Musango yensetu wa yiwe tepu wafwainwa kujila bulongo kintu kimo, kilekaitu nakujila poso anweba mwikitana, kabiji nanchi jizhayitu. Mwamona, mambo ke mepuzho.

¹⁴⁹ Pano, bankwasho ba kipwilo, kabiji byonka Amiwa byo naambile—byonka Amiwa byo naambile, ke bakapokola ba kipwilo. Bino kipwilo kechi ke mpuzha yakikumbawile yakwiyo nakusambakana mumbungeno na—na luvwang’ano bwa bupopweshi ne byabulunda namuntu ne kukaya bisela ne. Akye kipwilo ke nzubo yazhila ya Lesa! Atweba yotwiyo kuno...Pano, inge tubena kukeba kusambakana umo ne mukwabo, lekai amiwa ngiye ku nzubo yenu, ne anweba mwaiya ku nzubo yami, nangwa kuya ku nzubo ya umo ne mukwabo ne kusambakana umo ne mukwabo. Pakuuba kwiya na bisela bya kuzhokolok mu kipwilo, ne kwamba ne bintu biji byobya, kechi kiji bulongo ne, batemwe; atweba twaiya kuno,

atweba tufumyemo bintu byonse mu milanguluko yetu. Inge atweba twakonsha kwiya kuno . . .

¹⁵⁰ Talai abyoye atweba byo twaubanga myaka yapita kunyuma. Nyenga Gertie wajinga wa kujizha piyano. Kimye Amiwa byo najinga kafunga kuno, Amiwa—Amiwa najinga na kafunga, nkwashe, waketekelwa, bintutu bikwabo pa kimye kimo, mwamona, bino Amiwa—Amiwa naubilenga byobyoye. Pano anweba kechi mwafwainwa kwikyubila muyewa musango ne, mwamona, mambo muji na bantu ba kufikizha bibye. Pakuuba kimye ba . . . Amiwa najinga nabakusopa, Mulongo Seward ne bonse pa kibelo. Bajinga na mabuuku abikwa pa kibelo, kasa baikala mu kipona, nangwa kintu kimo, kikwabo. Kabiji kimye bamo byobaishile, anweba mwibamwesheshe kifulo kya kubikapo kochi wenu nangwa kwibakwasha pakwikala, bapai buuku walwimbo kabiji bepuzhai abo ku “kwikala mu milombelo.” Kabiji nachi bonsetu bafwainwa kwikala mubipona byabo na kuzhindama ne mukulomba poso kimye kyakutatula. Mwamona? Kabiji pano pakimye kya kutatula, Nyenga Gertie, ujizha piyano, wafwainwa kuya popa ne kutatula kwimba nyimbo kasa ikyangye . . . kimye bantu kyo—babena kwiya pamo.

¹⁵¹ Amiwa nakonsha kutemwa anweba mwaikala na bakwimba kibodi kasa baji popa na kwimba ny'imbo yakiine yawama. Inge aye kechi wakonsha kutanwa popa ne, bikaipo tepu ne kutatula kujizha, nangwa kintu kikwabotu. Kabiji ne kwikala na ny'imbo yawama bingi ya kwimba. Nanchi . . . Kabiji ne kwipuzha bantu . . . Kabiji umvwe bantu batatula kwamba ne kutwajijilatu muyewa musango, lekai umu wamu bankwashe atole maikolofoni kokwa ku desika ne kwamba mba, “sh, sh, sh,” byonkabya. Kwaamba mba, “Apano pa tambanako kuno, atweba—atweba tubena kukeba anweba kwiya na kupopwela. Kechi kupanga kyongo ne, telekai ku nyimbo. Tolai kipona kyenu, ikalai panshi, ikalai na munema, mwamona, lombai nangwa kutanga Baibolo. Akuno, ke kunzubo yazhila, ke kokwa kwikala Nkambo. Kabiji atweba twakeba mba muntu yense ekale namunema wakiine ne kupopwela, kechi kunyema lubilo nakuzhokoloka ne, kwambang'ana kupwila kasa kuyangye kutatula ne. Pwilai anweba bene, kabiji anweba mwaiya kuno na kwamba kwi Nkambo. Mwamona? Nangwa kwikala mu milombelo yazhindama, mwamona, nangwa kutanga Baibolo wenu.”

¹⁵² Kimye Amiwa byonaile ku kipwilo kya Marble akwa ku . . . Norman Vincent Peale, anweba mwamuvwambo aye, anweba mwamona. Kabiji Amiwa naile ku . . . Mukantampe wamaana abashayuka, mufunjishi, mwayukatu. Kabiji Amiwa naile mu kipwilo kyanji, Amiwa nalangulukile mba, kokwa, “Amiwa nakebele nge tambanako wami kuuba kyokyo jibiji.” Abo bankwashe bafwainwa kwimana ponka pakibelo aku abo bafikatu. Abo, mokyailatu, bobakonsha kwikala na muntachi

wenu wa sukulu wa pa Mulungu, kwimutwala anweba ponkapa. Aye wikishikwile bimye bisatu, mwayukatu, akyo kilamatu pepi folo nangwa faivi anduledi, mwayukatu; kabiji New York ke puzha yabaya bingi, kabiji aye ke muntu wayukanyikwa. Kabiji Amiwa nalanguluka mba bajinga na kalasi umu pa teni koloko kabiji umu pa leveni, busapwishi bumotu kasa bubwelapotu nejikwabo, pwijilo imotu yonkaya, kipepala kimo kyonka kya. Bino uvwe bapalang'ana, kabiji abo bajinga (Amiwa naketekela) mamineti faivi a kipwilo pakuuba mba kine. . . Kafwako nangwa umu wakonsha kwiyamo ne kanatu bafumamo, nanchi bankwasho bashikwile jishinda kabiji ne kipwilo kikwabo kyayula. Abo bajinga na bibye bipona byakala, mwayukatu, baya byonkabya, ne kwikala pa bipona ako ko washinkula kibelo. Wakala fashoni, ke kyakwimanaga popa pa—pa myaka tuu andulendi, Amiwa nalanguluka mba ke kyakala Kipwilo kya Marble.

¹⁵³ Kabiji anweba mwingile kuvwa kupona kwa pinyi kuji konse kokwa ku kipwilo, kabiji muntu yense ekale mumilombelo pepi mamineti sate kasa kupwila kukyanye kutatula nangwa kwimba kibbodi, ne bikwabo bijimba. Mwamona? Kabiji muntu yense ekale mu milombelo. Amiwa nalangulukile mba, “Ke kyakila mukuwama!” Nanchi kimye wa mwingilo. . . Abya bijimba byanyimbo, pakuba. . . Amiwa nalanguluka abo bafwainwa kujizhapo umu wabijimba pa mamineti feeli kufika ku faivi, *Yenu Mwine Wakukumya*, nangwa kintu kimo kyayewa musango, pa musango. Kabiji nanchi uvwe abo bekyuba, yensetu muntu wafwainwa kuleka kulomba, wajinga wakuwu ku nyimbo yabijimba. Mwamona, kipana lupimpu, kufuma kumilombe ke nyimbo nabijimba. Kabiji nanchi panyuma yakujizha byobyoy, nanchi awa mukulumpe wajimba jakwaya wakambizha bakwaya. Nanchi bajinga na lwimbo wa kipwilo *kabiji* ne jibumba ja banyimbi. Kabiji bajinga benengezha na kalasi wa sukuulu wa pa Mulungu. Mwamona? Kabiji pano—kabiji pano byo kyaile, kechi kwajingapo kintu kyatwajijiletu ne kanatu bupopweshi bwa Bulesa, kimye kyonse, kabiji akyo atweba kyotwishila kokwa.

¹⁵⁴ Kabiji Amiwa nalanguluka mba kyafwainwa kwikala kintu kyawama inge kipwilo kyetu. . . Kabiji Amiwa mbena kwambatu kikyee, atweba, twikyuba kaala, twakonsha twikyuba kala. Mwamona? Twayai twikyube. Inge muntu umu wauba kintu kimo, ne kwamba, mba, “Amiwa naketekela mba kyakonsha kwikala kintu kyawama.” Inge ke kintu kyawama, nanchi twayai twikyube. Mwamona? Atweba kechi tukeba kufumyapo kintu kyawama ne, tusa kwikyuba, nangwa byonkabyo. Mwamona? Kabiji twajijilaitu kuya kulutwe kabiji—kabiji imanai popa kabiji—kabiji inge batatula lukelo, nangwa kintu kikwabotu, bantu babena kupempula, lekaitu muntu umu, nangwa umu wa—umu wa bankwasho, nangwa muntu umu wajikwiya na kwamba

mba, “Ke muzhilo walengwa muno mu tambanako kuno. . .”

¹⁵⁵ Amiwa kechi nayuka ne kana bekyuba; abo bakonsha—bakonsha. Amiwa kechi nji kuno ne, mwamona, Amiwa kechi nayuka ne. Amiwa kechi ngikalako kuno kukupwila ne.

¹⁵⁶ Kabiji umvwe batwela mukachi batatula kwamba, lekai muntu umo emaneko ne kwamba mba, “Sh, sh, sh, pa kakimye kacheche.” Mwamona? Lekai ba—lekai ba. . . Tolai nyenga mucheche, mubikai popa ne kutatula kujizha nyimbo. Inge anweba kechi mujinabyo ne, bikai pa tepu ne kujizhanga, mwamona, nanyimbo ya kibbodi. Kabiji ne kwamba mba, “Pano atweba. . . Kuji muzhilo wakatataka mu tambanako. Uvwe bantu batwela muno, atweba kechi twafwainwa kunongota ne, kwambanga ne, bino kana bupopweshi. Mwamona? Pano, pa maminetitu mucheche mpwijilo isakutatula. Poso kyokya kimye, nangwa mwakonsha kutanga Baibolo wenu nangwa kukunyika mitwe yenu na kulomba nakuzhindama.” Kabiji bimye bicheche biji byobya, bonse bakonsha kufunda. Mwamona? Mwamona?

¹⁵⁷ Anweba mwauvwa muntu umo nakwamba, nanchi inge kyafika popa. . . panyuma ya kimye kicheche nobe byobya, pakupitapo kimye kicheche wafika pa kifulo kimo muntu umo, waamba mba, mwamona muntu umo ubena kwamba, kechi kujipo muntu mukwabo ubena kwamba ne, mwamona, kyawama, nanchi umo waba nkwasho wafwainwa kuyako ne kwamba mba, “Atweba—atweba twakeba mba mupopwele mu kimye kya kupwila.” Mwamona? Mwamona? Mwamona, kechi ke nzubo ya kwamba ne, ke nzubo ya bupopweshi. Mwikyumu vwa nyi?

Amiwa naketekela mba akya kyajinga ikyo. **Twasashijila londololai. . . Ee. Twayai tumone. Ee. Twasashijila londololai abyo. . . bankwasho bafwainwa. . . mu nzubo yazhila.** Ee, abyo ibyo. Abyo ibyo. Abyo byokiji.

Kijitu bulongo, pano, kino kyo kyapelako.

235. Mulongo Branham, kimye byo twajinga na mashuko ku ntendekelo ya mpwijilo. . . Amiwa—Amiwa. . . na kwiji. . . Ine, . . . **atweba twajinga nabya kwijizhang’anya. . .**

Ke kyanembwa kakimye kacheche papo. Kabiji ne “**twajinga nabya kwijizhang’anya,**” abyo kechi ibyo nenyi? [Mulongo Billy Paul waambile mba, “Uu-uu,” kabiji watwajijilatu na kukwasha Mulongo Branham watanga kyanembwa kicheche—Waku.]

. . . **twajinga nabya kwijizhang’anya ku ntendekelo ya mpwijilo yetu. Atweba tuji. . .** Twayai tumone. **Atweba—atweba—atweba tuji na nyimbo, byakushimuna, ne milombelo, kabiji ne byakukabila bya milombelo, kwimba kwa pusanako, kabiji k-a- . . . kampe ikalai na . . . twelai mu mbila na kimye kya leveni koloko, na . . . nangwa panyuma, bino kechi mwafwainwa kwikala na kimye kyabaya kya**

Kyambo ne. Bantu bamo bekala kwakubula mutende ne kwikala... bafumapo kasa—kasa kikyangye, ke... kasa kikyangye—kasa kikyangye kupwa ne. Ke... Twasashijila londololai nyimbo inga yafwainwa kwimbiwa, kabiji ne kimye ka kyakutatwilapo mbila. Kabiji bimo—kimye kimo twikala na milombelo—na byakukabila bya milombelo kabiji ne kupwisha kupwila na bya lushimuno, bintu bimo byo—byo byabula... kechi bimweka mu kimye ne.

¹⁵⁸ Pano, Amiwa naketekela mba Amiwa njina nakyo. Billy ubena kweseka nkukwasha amiwa papo. Apa pa yewa tepu, mwamweka... muntu umo mumbungeno, mumpwijilo, ubena kuteleka byokyajinga akya, ke Billy ubena kweseka kunkwasha amiwa kwibitanga mambo kyanembwa, kyawama bingi, kabiji Amiwa kechi nakonsha kwi kyuba ne. Amiwa njina mulanguluko yense, byo kiji, amba, “Bushe nyimbo inga yotwafwainwa kwimba atweba kupwila kasa kukyangye kutatula, kabiji kimye ka kyakutatwilapo mpwijilo?”

¹⁵⁹ Pano, kintu kitanshi akyo Amiwa kyo nasaka kuuba ke kwisolola. Kabiji umvwe Amiwa naya mungi, Amiwa nakeba kuswa “Amiwa naya mungi.” Mwamona? Kabiji Amiwa—kabiji Amiwa—Amiwa nsakusolola papo amba “Amiwa ne tangi wa kyokya.” Mambo kyajinga amiwa nabazha ayino mpwijilo ne bintu bikwobotu, kana abyoyafwainwa kubiwanga kimye kyonse mukipwilo, mwamona, kubanga byobyoy, bino kechi kyafwainwa kwikala byobyoy ne. Kabiji pano, vulukai, Amiwa njina... Amiwa... Nabuuji lenga anweba bonse mba, “Pamulungu bufuku, inge Nkambo waswa, pa Mulungu bufuku, amba, Amiwa mbena kweseka kutanchika mpwijilo yami kufuma pa kino kimye, inge Amiwa nakonsha kwikala na mulungu mukwabo, pepi nobe mamineti saate nangwa foote alepesha ya mpwijilo yami.”

¹⁶⁰ Mambo Amiwa natana mba kino, amba aya mpwijilo ya... Ke kyaimana popa, kabiji ne mbila ipanwa na bulume; inge obewa waisha kwalepesha, obewa usakukokesha bantu kabiji abo kechi basakuvwa ne. Ene mambo ao Amiwa o napainenga... Amiwa nayukile mba byonse bibena kuya kulutwe. Mwamona? Aba sapwishi babulume keba tubyambo tucheche byafikilamotu... Yesu wajinga Muntu wabyambo bichechetu, talai Aye lusapwilo lwanji. Talai lusapwilo lwakwa Paulo, apa pa Juba ja Pentekosita, mokyailatu aye wasendeletu mamineti fifitini, kabiji aye wafikijilepotu ponkatu, pakintu kyonkatu kya—kya—kya kyaletete myeo fiili sauzande mu Bufumu bwa Lesa. Mwamona, ponkatu pa kifulo. Mwamona?

¹⁶¹ Kabiji Amiwa—Amiwa nazhatwa, mambo ene mambo ao Amiwa o nauba kikyeye, kechi mambo akuuba mba Amiwa kechi nayuka kyapusanako ne, bino Amiwa mbena kulenga matepu, mwamona, kabiji ano matepu aka jilanga ma awala alepa muma nzubo, panyuma yama awala, panyuma yama awala. Bino,

nobe byo musakutana Pamulungu ubena kwiya ene mambo ao Amiwa o nekyubila, uno Mulungu ubena kwiya, ene mambo ao Amiwa o naubila bibye bintu, Amiwa nakonsha kwikyamba ponka pano pa tepu, ene mambo ao Amiwa o naubile kikye ke mambo a kikye kintu kyawama bingi pe amiwa na mambo a Mbila ya kino kimye, pakuuba mba Ifumemo. Pano Mbila yaya. Pano, Amiwa mbena kusenda mamineti sate, nangwa kintu kimo kiji byobya, pakupitapo mwaka mutanshi, mu mbung'eno yami, konse Amiwa nkongya, kabiji ngeseka, konsha ne kubika nkoloko yami pa mamineti saate, nangwa kechi kupitaila pa foote pakyokya kipimo, wifikalatu kuyine Mbila, kabiji ne kwita lwito lwakulutwe inge Amiwa. . . nangwa kijikyonse akyo Amiwa kyosakuba, nangwa kwita bantu bakulombelela mumu laini, kabiji kechi kusenda kimye kyabaya ne, mambo musakukokeshwa bantu, Amiwa nayuka kyokyo.

¹⁶² Bino talai kuno, Amiwa naketekela, mu mwaka umo, atweba kechi twaikalapo na bantu bavula bakonsha kwimana ne kulupukamo ne, kabiji kimye kimo Amiwa nebakwachijila kuno pa ma awala abiji ne asatu. Mwamona? Abye ibyo. Mambo akuba mba mbena kulenga ao matepu aya mwaya ntanda yonse, mwamona. Kabiji aba bantu kokwa, bakekalanga maawala avula ne kuteleka ku Kino; bamwingilo, ne bakwabotu, Germany, Switzerland, Africa, Asia, kabiji ne konse konse, mwamona, bakatelekanga ku Kuno.

¹⁶³ Bino, mwamona, namambo amomwa mwazhila, namambo a kipwilo. . . Kabiji akyo kijitu bulongo. Inge muji muno mubena kulenga tepu, kabiji muji na tepu wamaawala-abiji, bikaipo mbila ya maawala-abiji pa kikye; bino inge anweba kechi mbena kulenga tepu wayenkawa musango nobe byobya, nanchi chibakanyayi mbila yetu, mwamona, chibankanyayi mbila yetu. Amiwa mbena kwimubula anweba kika, kuji bamo batondwa bukiji, bamo batondwa bimye byalepa, mwamona, nobe byobya, kabiji anweba mwafwainwa kwikalatu pakachi pawama byobya.

¹⁶⁴ Kabiji pano, bimye byavula atweba twaonauna nekufumyako mpwijilo yetu ya byalushimuno, akyo Amiwa kyo nayuka mba Amiwa nazhatwa mambo a kwikyuba. Kabiji anweba mwapijijilwe kimye kyotwaikalanga na mbungeno ya mumikwakwa, kabiji ne kuleka mulongo wakala kasa aimana popa, kabiji usakwimanatu byobya. . . Kabiji ne kumwipuzha aye kupana kyambo kya mulombelo, kabiji aye ke kulombelela ba meya wayewa muzhi, kabiji ne gavana wakyalo, kabiji ne ba Ndamakyalo ba Kipamo, kabiji—kabiji ne bonsetu nobe byobya, kabiji bonse bakafunga bamuzhokoloka, mwayukatu, umo umo pa nambala, ne Nyenga Jones uji mu kipatela, kabiji ne bintu biji byobya; kabiji ne bantu baimana, nebabena kwenda mumukwakwa mumbungeno, baji byonkabya, baimana—baji byonkabya babena kwenda. Mwamona? Aye wibakokeshatu. Atweba tujitu, nangwa byonkabyo. . .

165 Mwamona, kiine kintu pano, milombelo yobe yafwainwa kwikala yamubufyafya, kiintu kine kyobe, ke mulombelo walepa. Lomba byonse. . . Twela amwa mwafyamika ushinkeko, shinka kibelo. Akwa iko komwakosha kulomba juba jonse, bufuku bonse, nangwa ma awala abiji, lombai kokwa. Bino papo, po muji na milanguluko ya bantu, monai mba milombelo yenu yaipipa, bukiji bukiji, pa kikye. Ikalai na mpwijilo yenu yonse. . . Kabiji bikai mpwijilo yenu kimye kyabaya mu kyokya Kyambo. Akyo kyokine kintu! Lalaulai akya Kyambo kyakosa bingi monka momwafwainwa kubila, mwamona, panai Kyambo ku bantu.

166 Pano, kuno amiwa mbena kulanguluka mba. Pano, pano vulukai, Amiwa nesolola amba Amiwa nazhatwa nakutanga kikye. Pakuuba pano Amiwa ne mubuula mba kika akyo Amiwa nekitangijile, Amiwa mbena kufyatula matepu amaawala-abiji abena kutumwa kutulunga twamema ne konse konse, kuji Mbila, mwamona. Pakuuba kipwilo kechi kyafwainwa kupashang'anya kyokyo ne (mbila kuno ku tambanako) panyuma ya matepu (maawala abiji) ikaya ku bifulo byavula, mwamona, kabiji ne kuya muyenkawa musango.

167 Pano, pano popaji ndoonda yenu. . . Lekai amiwa ne mupe anweba kyakumwenako. Bushe akya kiji bulongo, ke kufukulatu? Amiwa nakonsha kwamba mba kipwilo kyafwainwa kwikala na bibelo byashikuka pa kimye kimo, lekai jibumba jitwele mukachi, lekai nyimbo ijilenga. Kabiji lekai muntu yense atwele na kupopwela, kechi na mambo akuuba mba tukapempule ne. Kabiji kechi muleke amba abo bakapempule panyuma yakupwisha ne, babulai abo "Kupalang'ana ne kuya, kechi na kupempula ne. Inge anweba mukeba kupempula, kuji kimye kyonse pangye. Bino muno ke mwazhila, lekai muno mwikale mwatoka." Pano, inge Mupashi wakwa Nkambo ubena kwingila papo, twayai twikilame Mupashi wa Nkambo. Mwamona? Kabiji—kabiji Ukatwajijilatu na kwenda. Inge kechi mu koba byobyoye ne, anweba mubikaitu kayukilo pa byambo byami, bikapona; kine kikobiwa. Kabiji twayai twikilame, ke mwingilo wetu, oene mambo ao Amiwa naikela kuno bufuku buno. Ikalaitu balama abye bintu mwaila mu byonsetu—na mwatala aye ndoonda.

168 Pano talai, Amiwa nakonsha kwamba kikye. Mwailatu, kanatu kampe atweba tubena kupana kintu kyapusanako. . . kabiji babula anweba amba tuji na mbila ya tepu. Mwamona? Pano, inge Mulongo Neville uji na mbila kuno yo abena kuya. . . aye uji na mbila aye ubena kukeba kupana ku bantu, kufumya ku tepu, nangwatu kintu kikwabotu, waamba mba, "Pano, Mulungu walondelapo bufuku atweba tukekala na tepu wamaawala-abiji," tepu wamaawala-asatu, nangwa kika—nangwa kika-kyakilapo. "Atweba tukakonsha kupana tepu wamaawala-abiji nangwa maawala-asatu," nagwa kijitu kyonse

kyafwainwa kwikala, “Mulungu walondelapo bufuku.” Kabiji bantu bayuke. Kabiji umvwe batwela mukachi, ne kwamba mba, “Pano, atweba tusa kwikala na mbila ya tepu bufuku buno. Kabiji Amiwa njina mbila kuno ayo Amiwa yo mbena kukeba iji pa tepu kabiji yatumwa. Amiwa najinga. . . Amiwa naumvwa kutangijilwa kutuma ino mbila. Kabiji ikekala pa tepu, kyakonsha kwikala maawala abiji, maawala asatu, nangwa musango yense mo kyaikela.” Ambai kyokyo.

¹⁶⁹ Bino, mwailatu bumuntu, nobe byonka abyo Amiwa byo nguba uvwe Amiwa mbena kuya pakifulo kimo nobe mbung’eno ya Bantu Basulu, nangwa Amiwa nji mu mbung’eno yami ya milombelo. Inge Amiwa naimana popa na kupana mbila ya maawala-asatu bufuku kasa kyangye kwikala na mpwijilo ya lubuko, mwamona po kyantwala amiwa nyi? Mwamona? Kika, bantu, bufuku bwalondelapo kipwilo kyobe kiji kichika kukila byo kyajinga. Mwamona? Mambo kechi bakonsha kwikyuba ne, bafwainwa kuya na kwingila ne bintu bikwabo.

¹⁷⁰ Amiwa nafukula kikye amba, mo kyailatu kyabumuntu. . . Pano, Amiwa na tajile Mulongo Neville bufuku bwapita kimye aye kyo asapwijile. Pano, Amiwa nayuka mba atweba bonse twayuka mba aya yajinga mbila ya kutatula. Amiwa namusendelemo byakunemba kufuma kwi aye, nji nakyo mu pokochi wami, kyakwingijisha mu mbila yami ikwabo. Abyo ibyo. *Ke Jishinda ja Kupulukilamo*, mwamona, kabiji aya yajinga mbila yawama bingi. Mwamona bukiji byo apwishishe byonse? Mwamona, pepi nobe mamineti sate-faivi, mwamona, kabiji aye—aye wajinga wapwisha. Mwamona? Pano, akyo kyajinga kyawama. Pano, kabiji Mulongo Neville, bimye byavula mbila yanji iji pamo nobe byobya. Mwamona, kechi papita kimye kyabaya ne. Mwamona? Bino anweba pomwipaila mbungeno yenu kepakuba mba mwakaya mungi kasa mukyangye ne kufikapo ne. Mwamona?

¹⁷¹ Pano, kabiji—kabiji kwepi ko mwakonsha kuba kyokyo. . . Pano, Amiwa nayuka, kabiji pano mona, Amiwa—Amiwa kechi mbena kwamba kyokyo mu kulengulula ne, kwi anweba baketekelwa, nangwa bankwasho, nangwa—nangwa kafunga, bino Amiwa mbena kwi mubuulatu: mwamona akya Bukine byo kiji, kabiji abye byo byafwainwa kwikala. Pano, anweba. . . Kyuba byepi? Pano, muntu yense, mwayuka, bantu-bawama, anweba bonsetu bantu mwibantu-bawama. Inge kechi kyajinga byobyoye ne, Amiwa nakonsha kwamba, “Byonse bino Mulongo *Kananga-ne-kananga*, kechi uji na musango wawama ne, atweba bonse tubena kumulombelela.” Bino anweba—anweba muji na misango yawama, kabiji anweba muji na kukoka muchima, bukimote, musango wa bantu. Akyo kyawama, bino kechi wafwainwa kwikala wakwendeleka na kyokyo ne.

¹⁷² Yesu wajinga wamusango-wawama, neaye, bino uvwe kyaiya kimye kyakwamba bintu, “Kyanembwa mba, ‘nzubo

ya Bataata yalengwa kwikala nzubo ya milombelo,' kabiji anweba mubena kwiyalula ke jiyengo ja batupondo." Mwamona? Mwamona, Aye—Aye wayukile inge ubena kwamba kabiji ne kimye kyakubula kwikyuba. Akyo—akyo—abyo byo twafwainwa kuuba. Mwamona? Kechi kwajingapo ne, kechi kwajingapo muntu nobe Yesu ne, Aye wajinga Lesa. Kabiji vulukai, Aye wajinga. . . Ambaipo pa nkwasho mukachi ka kipwilo, Aye—Aye watolele kyokya! Aye watolele bikote byonse pamo, kabiji Aye kechi wapembejile amba balupukemo ne, Aye wapumene bikote, mwamona, nobe mu nzubo ya Lesa. Kabiji Aye waingijilenga lubaji lwa nkwasho, nobe kyakumwenako kwi *anweba* bankwasho. Mwamona, Aye wajinga Kyakumwenako kyenu. "Kabiji pano, kiji—kyanembwa mba, 'Ba Taata nzubo yabo ikekala ya milombelo.'" Pano, vulukai, Yesu wajinga nkwasho nanchi, mwayuka kyokyo, Yesu watolelenga lubaji lwa nkwasho.

173 Uvwe Aye wayishile ku lubaji lwa kafunga, Aye waambile mbaka? "Anweba bampofu Bafaliseo, batangi ba bampofu!" Mwamona, Aye watole lubaji lwa kafunga, nanchi.

174 Kabiji kimye Aye byo ebabujile bintu bikamweka, Aye watolele lubaji lwa ngauzhi. Mwamona?

175 Kabiji byo bakebele mba kwafwainwa kwikala kupana byabupe byabukwasho, Aye wasendele lubaji lwa baketekelwa, "Petelo, yaanga ne kuteya kanda monka mumukola, kabiji jisabi ajo obewa jousakuloba jisakwikala na koini mukanwa. Ukebape abo, mwamona, ukapane kongole yobe." Waambile mba, kwi atweba, "Panai byakwa Kesala kwi Kesala, bya Lesa pani kwi Lesa."

176 Aye wajinga byonse bibiji Kafunga, Ngauzhi, Waketekelwa, kabiji Nkwasho. Kine byo ajinga! Nanchi pano anweba mwamona abyo Aye byoabile, lekai akya kikale kya kumwenako mu nzubo ino muno mu Branham Tambahako, amba atweba tukekala na nzubo ayo Aye yoakanemeka mu bintu byonsetu, ofweshi yense, kifulo kyonse, akyo kikabula byakubwezha panyuma. Kwikale na lusa, ne buwame, kabiji ne kukoka muchima, pakuuba kuyatu monka mu mulaini, muntu yense uji pa kifulo kyanji kya mwingilo. Mwamona? Ajo jo jishinda, ajo jo jishinda Aye joakebelamo. Aye kechi wa ambanga byatama ne. Inge kimye kyaiya kyakwamba, kwita *akya* kyajinga *kika*, Aye wikichile akya. Inge kyafika pa kimye kya kumweshi lusa, apo Aye po amwesheshe lusa. Aye wajinga watobala, wabukimote, wakwatankenye; bino wajinga wakosa ne byonsetu byajinga byawama mubyonsetu kwi Aye, kabiji Aye waubile kikye kwikala kya kumwenako. Pano, Mupashi Wazhila upantu amiwa byobyoy. Nanchi Amiwa kechi nalangulukilepo byobyoy ne, Aye kwikala Nkwasho, kasa akyangye, nangwa byonkabyo Aye byoajinga. Mwamona? Aye—Aye waingijile nobe kwasho, nanchi.

¹⁷⁷ Pano, Amiwa nakonsha kwamba kikye, inge mpwijilo yenu yaitatula pa sebeni-sate, inge akyo kyo kimye, shikulai kipwilo kyenu afu kasa kikyangye kubiwa, sebeni koloko. Lekai bakujizha piyano. . . Bulai ba kibbodi. . . Bushe anweba mumupa aye nyi? Anweba bonse mupana ku ba kibbodi? Bushe aye upewa mali, nangwa wa piyano nyi? Aye wikyuba kyatutukya pamuchima nyi? Mwipuzhai aye na butekanye. Nangwatu inge aye ubena kukeba kulipilapo kintu kimo pa kikye, mubuulai mba tubena kukukeba afu wa awala mpwijilo saikyankye kutatulwa. Kabiji inge aye waamba mba, “Kyawama, Amiwa kuuba ne kyuba ne,” nangwa kintu kimo, kyakwijizhang’anya, nanchi lekai aye atanwepo kuno ne kulenga tepu yawama na nyimbo yawama. Mwamona? Kabiji lekai. . . bikai akya ku. . . Kechi wafwainwa aye kutanwa kuno kimye kyonse ne, bikai tepu popa. Mwamona? Lekai umo wa mu bankwashi, baketekelwa, nangwa ujitu yense ao ushikula kibelo, uwamishisha, abikepo popa, awa tepu, kabiji lekai ajilengatu bantu bonse kasa babena kwiya. Mwamona? Mambo inge bankwashi kechi baji muno ne, nangwa muntu umo ne, lekai, baketekelwa nangwa muntu mukwabotu kuno akyube, nanchi lekai abo bajizhe kichika kya awaala.

¹⁷⁸ Bino kimye byokyafika sebeni-saate, lekai aye ngegele iji peulu ya kishimikwa ijile. Mwamona? Anweba mukiji na ngegele pangye kokwa? Ee. Kijitu bulongo, lekai ngegele yenu peulu ijile pa sebeni-saate, kabiji akyo kyalumbulula mba atweba kechi tukenda kuya kulutwe ne ku kipwilo na kwiimuna maboko ne Jones ne bonsetu ne. Lekai awa tangi wanyimbo ekale pa mwingilo wanji! Inge kechi kujipo tangi wa nyimbo ne, lekai bankwashi bamone kyokyo. . . nangwa aye. . . bamone mba kuji muntu wakutangila munyimbo kikulutu aya ngegele atatula kujila yakutatula. “Zhikulai mu mabuuku enu anyimbo, nambala *kananga-ne-kananga*.” Mwamona? Lekai kikale ponka pa—pa sebeni-sate.

¹⁷⁹ Kijitu bulongo, nanchi ikalai na lwimbo wa jibumba, kabiji kapepo ne mukwabo lwimbo wa bubiji wa jibumba, kabiji nanchi ikalai na umo ao wabujilwa jimo wa, inge kyakonsheka kubiwa, ao wakutangijila mumilombelo. Lekai awa—awa kafunga, nangwa, uji yensetu. . . Kyawama, awa kafunga kechi wafwainwa kwikalako ne, awa—awa tangi wanyimbo wafwainwa kuba kyokyo. Ke Mulongo Capps, Amiwa naketekela. Mwamona, aye usakuyuka byakuba, lekai—lekai aye ekale na umo yeabujila jimo. . . nangwa kampe aye mwine atangijile mumilombelo. Ikalai na najibumba na kwimana mu milombelo, mwamona, imanaitu pamo, ne kuleka muntu umo atangijile mu milombelo. Pano, inge mwabula kumona. . .

¹⁸⁰ Pano, atweba twaketekela mba muntu yense wafwainwa kwiya ku nzubo yakwa Lesa na kulomba, akyo kyo—akyo kyo kifulo kya kulomba. Bino inge anweba muji mwazhila, lamai

kimye kyenu. Mwamona? Anweba mwafwainwa kwibeta bonse mba bazhokoloka ku kilambwilo, anweba mwakonsha kutana mba muntu yense ujikokwa pepi mamineti fifitine, tweeti; kimye kyenu kyonse kyapwa.

¹⁸¹ Abyo ke anweba, mwamona, ke milombelo yenu kunzubo. Yesu waambile mba, “Inge anweba mubena kulomba, kechi mukemane nobe byonka byuuba bakafutufutu ne, kabiji—kabiji pa kimye kyabaya...ne kulomba milombelo yalepa ne, ne kwamba *kikye, kyokya*, nangwa *kikwabo*, kabiji—kabiji ne byonse byonkabya mu kumweshi.” Mwamona? Aye waambile mba, “Uvwe anweba mubena kulomba...lombai, twelai moka mwashikinka, mwafwamika kungi, shinkai kibelo kyeenu; lombai kwi Shenu aye umona mwafyamika, Aye ukemufweta anweba nfweto paluntunanwa.” Pano, aje jojishinda jakwikela na milombelo yafyamika, abyo ibyo Aye byoaambile byakuba.

¹⁸² Bino umvwe anweba, muntu umo, inge watwela, lekai awe tangi wanyimbo, ambe mba, “Kijitu bulongo...” Panyuma ya lwimbo mutanshi, nanchi lekai muntu umo ekale na milombelo, uji yense, mulombelo muchechetu. Kechi mwimane na kulombelela bonse ba gavana ne, kabiji ne bikwabotu bya musango yewa. Inge pajipo kyakulombelela kiji kyonse kyakukabila, lekai kiyukanyikwe, lekai kipanwe kulutwe, lekai kipanwe mukachi, kinembai. Kyambai mba, “Kuno, mambo bufuku buno, tusakwikala na milombelo, atweba tubena kuvulukako Nyenga *Kananga-ne-kananga*, Mulongo *Kananga-ne-kananga* mu kipatela, *Kananga-ne-kananga*, kabiji ne *Kananga-ne-kananga*, kabiji ne *Kananga-ne-kananga*. Bavulukai mu milombelo yenu nobe byonka byo mubena kulomba. Mulongo Jones, usa kwitutangijila mu milombelo. Twayai twimane.” Mwamona? Lekai kibikwe pa pulatifomu. Babulai abo, lekai abo bapijilwe kyokyo, “Inge muji na kyakukabila kya milombelo, kibikaipo *kuno*, konka *kuno*.” Kechi mwafwainwa kwambanga ne, “Ao uji nakyakukabila pano, kilekai kiyukanyikwe papo...” Kabiji pano, kintu kitanshi, muntu umo waimana ne kwamba mba, “Lukumo lwikale kwi Lesa!” Mwayukatu, kabiji tatulai nobe byonkabya, kabiji kintu kitanshi mwayukatu, ke kichika kya awaala kyabikiwa bimye bino. Mwamona?

¹⁸³ Atweba tuji na mwingilo wa kino kipwilo, kechi bakwabo ne; awe ke mwingilo wetu kwi Lesa. Ao maofweshi enu ke mwingilo wenu kwi Lesa. Mwamona? Ene mambo ao Amiwa o mbona kwambila bufuku buno, kwimubula byonse bye, ke mambo a kuuba mba mwingilo wami kwi Lesa; ke mwingilo wenu: Kisendai byonkabya. Mwamona?

¹⁸⁴ Pano, kabiji inge kintu kimo kiji byobya...lekai muntu umo atangijile mu milombelo, kabiji umvwe bauba byobyo, akyo kyawama, balekai batangijile milombelo, apo ipo pobekela panshi.

¹⁸⁵ Kabiji umvwe uji na lwimbo wabuke wapusanako... Pano, Amiwa nakeba kwaamba kikye, Amiwa kechi nakonsha kutwajijila ne... Kabiji inge muntu ukeba kwimba lwimbo wabunke wapusanako, kibijikai mu kipwilo. Babulai abo, amba, "Byonse byakwimba bunke, nangwa bonse babena kukeba kwimba, balekai bamone tangi wanyimbo kasa akyangye kutatula ne." Kabiji ne kwikala nakyo... Amba, "Kyawama, Amiwa ndekelaiko mambo, Mulongo, Amiwa nakonsha kutemwa... kine nakonsha kutemwa kwikyuba, bino Amiwa—Amiwa njina buwame bwami bwapusanako bufuku buno. Kampe inge anweba mwambula amba anweba musa kwiya kuno pakikye kimye bufuku, Amiwa nakonsha kwimubikapo pa mutanchi anweba. Mwamona, Amiwa njina mutanchi wami wanembwa kuno."

¹⁸⁶ Lekai—lekai Mulongo Capps nangwa ao ubena kutangijila munyimbo... Kabiji uji tangi wanyimbo, nangwa kyabyepi byokiji. Kabiji kechi mwibaleke baimana ne kwamba mba, nangwa kutwajijila nobe basapwishi ne, mwamona. Balekai bemane kokwa na kutangijila nyimbo, ao ke mwingilo wabo.

¹⁸⁷ Ke mwingilo wakwa kafunga kusapwila, mwamona, kechi kutangijila nyimbo ne. Aye kechi wakonsha kutangijila nyimbo ne, awa tangi wanyimbo yewa kwimba nyimbo. Aye uji na nsambu, kabiji wafwainwa kufumamo na kushingwa manyi kwa Mupashi Wazhila, kufuma ku ofweshi kokwa, kuntu kumo, umvwe kyafikatu kimye. Aye kechi wafwainwa kwikala pa pulatifomu ne, abye bibena kubiwa. Lekai aye ekale mu ofweshi kunyuma kokwa, mwamona, nangwa kunyuma muno, nangwa konse kokiji, bya kwichilamo kuno bikaletwa, mwamona, uvwe kimye kyafika. Uvwe aye wauvwa alwa lwapelako... inge kujipo byapusanako, nobe byabitende, kutekanya, nangwa bikwabotu, lwimbo wenu wa busatu. Mwamona?

¹⁸⁸ Abya anweba byomwajinga nanyimbo ibiji yajibumba, milombelo, byamilambo byenu inge anweba mwakonsha kwikala nabyo. Kabiji lekai muntu yense ekale pa kifulo kyanji kya mwingilo. Kwaamba mba, "Kijitu bulongo, kimye kyo tubena kwimba yuwe lwimbo wapelako, pano, inge maasha bakonsha, balekai beye kuno kulutwe na mulambo wa mabaanga abufuku." Mwamona? Kabiji kimye kyo bapwishishe kwimba yewa lwimbo, pano popaji baasha baimana papo. Kwaamba mba, "Kijitu bulongo, pano ntusakwikala na milombelo, kabiji ne mu milombelo yamilambo, atweba twakeba kuvuluka *Kananga-ne-kananga* papo, kabiji ne *Kananga-ne-kananga*," tangai kyokyo, mwayukatu, nobe byonkabyo, byonkabyo. "Kijitu bulongo, muntu yense emane. Mulongo, usa kwitutangijila mu milombelo?" Nanchi abyo kyapwa.

¹⁸⁹ Pano kimye kyo babena kwimba yiwe lwimbo wabubiji, nangwa musango yense ye mubena kwimba, anweba mukoba, kasa mukyangye, tambulai milambo yenu, inge anweba

musakutambula milambo. Kilekai kyo...Amiwa nsakwimba lwimbo mutanshi, kabiji nanchi mwaikala na milambo yamabanga, kabiji nanchi twajijilai na lwimbo wenu wabubiji, kabiji nekutwajijilatu byonkabya. Nanchi lekai lwimbo wenu wapelako kuno, lekai lwimbo wenu wapelako, mwamona, pe kale kwita kafunga. Kabiji kikulutu awa lwimbo wapelako waimbiwa, lekai bijimba byenu bitatule ne kwi—kwi—kwi kwimba nyimbo, ne kafunga wenu alupuke. Mwamona, bintu byonse bijitu mu ndoonda. Muntu yense azhindame. Kechi kujipo kintu kikwabo kya kwambapo ne. Kabiji ne nkwashotu naye ekale mu kifulo kyanji kya mwingilo. Awa kafunga waimana popa.

¹⁹⁰ Waiya walupuka, na kupana lwimu kujibumba janji, waalulukila ku Buuku wanji ne kwaamba mba, “Bufuku buno, atweba tubena kutanga kufuma mu Baibolo.” Mwamona, panyuma ya kwikilenga kwikala, byobyo “Atweba tubena kutanga kufuma mu Baibolo.” Kabiji ke kintu kyawama kimye kimo inge waamba mba, “Mu kupana mushingi ku Kyambo kya Lesa, twayai twimaneko kimye kyo tubena kutanga Kyambo.” Mwamona, pano tangai, “Bufuku buno, Amiwa mbena kutanga kufuma mu Buuku wa Masalamo,” nangwa musango yense mo kyaikela. Nangwa lekai muntu mukwabo atange, awa ntangi wanyimbo, nangwa wakibiji kafunga, nangwa muntu uji yense ne aweba, lekai aye atange, kiji kyonsetu; ako kokyawamina kana inge obewa mwine kutanga, inge kyakonsheka. Nanchi tangai muyenkawa musango, nanchi tolai pomwa nemba mutwe wenu. Mwamona? Mu kyokya kimye kyabaya, anweba kyonwataya pepi sate mineti, ke kyawama kampe pepi eiti koloko.

¹⁹¹ Kabiji kufuma ku eiti kufika pepi ku kichika kya naini, kokwa pakachi ka saate ne foote-faivi mamineti, bikai kyokya Kyambo momwa nobe Mupashi Wazhila byo Ekipa kwi obewa, mwamona, kijitu pamo nobe byobya, Wikibika monka mujishinda Aye jo ambulamo mba kyubiwe, mwamona, munshi ya kushingwa manyi.

¹⁹² Pano ikalai na lwito lwenu lwa kilambwilo, ne kwamba mba, “Inge yense uji muno mu kipwilo wafwainwa kuswa Kilishitu kwikala ke Mupulushi, atweba tubena kwimipuzha anweba, kwimwita anweba kuno kukilambwilo lonka luno, imanaitu anweba.” Mwamona?

¹⁹³ Kabiji inge—kabiji inge kafwamo umo waimana, ne kwamba mba, “Bushe mujipo umo muno winengezha kubatizhiwa nyi, abo balapila kala, kabiji babena kukeba kubatizhiwa mu meema mu lulekelo lwa mambo? Inge babena kukeba kwia, atweba tubena kwimupa anweba jishuko pano. Kana anweba musakwiya kasa bijimba bibena kwimba?” Anweba mwamona?

¹⁹⁴ Kafwako muntu wiya ne, ambai mba, “Bushe mujipo muntu

umo muno wakonsha . . . ao ukyangye kutambula lubatizhilo lwa Mupashi Wazhila nenyi kabiji ubena kukeba kwikyuba bufuku bunu, ubena kukeba mba atweba tumulombeshepo?” Kyawama, kampepo muntu umo waiya, nanchi lekai maboko abiji nangwa asatu abike maboko pe abo, ne kwibalombelela. Batumai kokwa kunyuma mukibamba kimo, muntu umo ekale nabo kokwa, babulai kintu kimo byobakonsha kuba pakwiya mu lubatizhilo lwa Mupashi Wazhila. Aja jibumba jonse jafuma kwi abo.

¹⁹⁵ Inge kuji muntu umo wakonsha kwiya . . . wakeba kuswa Kilishitu ne kwimana popa pa kilambwilo nakulombelelwa, leka anweba . . . lekai abo bemulombelele. Kabiji umvwe ba amba, mba, “Tukunyike mitwe yetu, atweba tusa kulomba.” Kabiji ne kwamba mba, “Bushe anweba mwaketekela nyi?”

¹⁹⁶ Inge kintu kimo kicheche akyo kyakonsha kubazha jibumba mujishinda jiji jonse, batumai kuya mu kibamba kya milombelo, kabiji ne kutwela mukachi nabo, nangwa kutuma muntu umo mukachi kabo. Kabiji lekai jibumba jiyengatu kulutwe, mwamona, byonka bya, kechi mwakonsha kwibakwachijila kuji konse ne. Mwamona?

¹⁹⁷ Kabiji pano mu kimye . . . kasa tukyangye . . . Mu—mu icheche . . . pano inge, baamba mba, inge muntu umo waiya, nanchi ambai mba, “Bushe kujipo umo ubena kukeba kushingwa manyi bufuku bunu, namambo amisongo yabo nyi? Atweba tulombelela bakolwa muno.”

¹⁹⁸ “Kyawama, Amiwa nakonsha kutemwa kukumona kumbaji, Mulongo Neville.”

“Kyawama, mumone amiwa mu ofweshi. Mumone umo waba nkwashe, basa kukonsha kwimukwasha.” Mwamona?

“Kabiji Amiwa njina kintu kimo akyo Amiwa kyo nakonsha kutemwa kwamba kwi obewa, Mulongo.”

“Kyawama, umo waba kwasho kuno basa kukumona mu ofweshi, kabiji atweba tusa . . . Amiwa nsakukumona obewa bukiji bukiji pa kupwisha kupwila.”

¹⁹⁹ “Pano, nobe atweba byotubena kwimana pano na kulupuka.” Mwamona, kabiji kechi mwakilamo ne pepi nobe awala umo na mamineti foote-faivi mu bintu byonse. Mwamona? Monai mba, awala umo ne mamineti sate, mpwijilo yenu yapwa. Anweba ikalai na bicheche, bukiji bukiji kufikalapotu; anweba— anweba panai byafikilamo ne kupwisha; anweba mwapwishi . . . kabiji ne muntu yense watondwa, kabiji baya ne kunzubo kasa babena kuvwa bulongo. Mwamona? Inge anweba mwabula kuuba kyokyo, nanchi, monai, inge waswisha . . . Mwamona, anweba— anweba— anweba mwalumbulula bulongo, monai, bino monai . . .

²⁰⁰ Mwayukatu, akye ke pipi myaka saate-fiili mu pulatifomu amiwa, myaka saate-fiili, kabiji ne kuzhokoloka ntanda.

Anweba mwafundapo kintu kimo kicheche pa kikye kimye kyabaya, kine. Mwamona? Inge kechi kiji byobyo ne, kyawama mwazhindama. Nanchi pano, mwamona, Amiwa natana kikye: Pano, inge anweba mubena kwingila na Bazhijikwa bonse pamo, muntu, wakonsha kwikala bufuku bonse inge wakeba. Bino anweba muji...Mwamonai, anweba kechi mubena kwingila nabo pamo ne, anweba mubena kweseka kukwatakanya bibye. Apo pajitu umo yemubena anweba kukwata, anweba mwafwainwa kwingilo mumwingilo wabo. Mwamona? Kabiji kechi...Baletai abo kuno kabiji lekai Kyambo kiiye, kabiji nanchi, mwamona, akwa kafwako nangwa kimo kyakwijizhang'naya ne. Inge pajipo kintu kimo kyo bakeba kukumwenapo, kijitu bulongo, kyawama, batwalai abo mu ofweshi byonkabya, bino kechi mulame jibumba ne.

²⁰¹ Nanchi, mwayukatu, bantu baimana ne kwamba mba, "Kyawama, Amiwa nemubula, twayai twikale na mbung'eno yawama ya lushimuno." Mwamona? Amiwa kechi natazha mu kuuba mba nazingila pa kikye ne, Amiwa natazha mukuuba mba Bukine. Amiwa natazha mukuuba mba ne mubuule Bukine anweba. Mwamona? Amiwa natana mbung'eno ya lushimuno lwabaya...abo—abo booba bintu byavula bingi kukila pa byawama. Mwamona, kine byo booba.

²⁰² Pano, inge muntu umo wafwainwa kwikala na lushimuno lwakukumya lwabaya mu kimye kya kusangululwa, mwayukatu, anweba muji na kusangululwa, mwayukatu, mpwijilo, kabiji muntu umo wapulukile kabiji ubena kukeba kwamba kyambo, kyawama, Lesa apeshiwe, mulekai mweo waji akasuluke. Mwamona? Inge aye—inge aye—inge aye ubena kukeba kuuba kyokyo, monai, mu kimye kya kusangululwa, ambai mba, "Amiwa nasakatu kwamba mba, 'Nasachila Nkambo pa byo Aye byoangubila amiwa.' Aye wampulwishe amiwa mulungu wapwa, kabiji muchima wami ubena kupya na lukumo lwa kwa Lesa. Lusachilo lwikale kwi Lesa," ikala panshi. Amena! Akyo kyawama, yaingatatu. Mwamona, akyo kijitu bulongo.

²⁰³ Pakuuba umvwe waamba mba, "Pano iyai. Ing'anyi ubena kwiya? Ing'anyi ubena kwiya? Pano twayai tuteleke kyambo, twayai tumvwe kyambo kya lushimuno." Pano, inge muji na mpwijilo yabikwako, bufuku bumo pa kyokyo, mwamona, obewa ubena kuya nyi: "Bufuku buno...Pakisatu kibena kwiya, mu kifulo kya milombelo, kukekala mbung'eno ya lushimuno. Atweba tubena kukeba muntu yense kwiya, kabiji kukekala mbung'eno ya lushimuno." Kabiji pano umvwe bafika ku—pakifulo kya kupana lushimuno, tangai Kyambo, ikalai na milombelo, kabiji ne kwamba mba, "Pano, atweba twabijikile mba abwe ke bufuku bwa lushimuno." Nanchi lekai bantu bapane lushimuno pa kyokya kimye nangwa mamineti foote-faivi, nangwa mamineti sate, nangwa musango yense mo kyaikela, kabiji pano—pano watwajijilatu kuya kulutwe

byonkabya. Mwamona amo Amiwa mo nekitazha nyi? Kabiji Amiwa nalanguluka jibumba jenu jakonsha kukwashywa, kikakwashatu bintu byonse, pamo, inge mwikyuba muyewa musango.

²⁰⁴ Pano, ke...Amiwa nataya kimye nakupwa, nanchi... Batemwe—batemwe, abo bo buyuke bwami bonayukisha. Amiwa namona biji mumuchima wenu, abye kibyakila kuwama byonayuka mwaila mepuzho ao o mwangipwizhe amiwa. Pano, kufuma pa kino kimye kuyakulutwe mwayuka. Kabiji umvwe kiji mu milanguluko yenu, iya ku tepu. Ipuzhai kyokyo... Telekai ku tepu. Inge biji nbakwashi, baketekelwa, nangwa musango yense mo kyaikela, lekai tepu ajile. Lekai ajile pakuba mba jibumba jijipopa inge babena kukeba kuteleka. Abyo kijitu bulongo. Kabiji akye—akye ke kyaila maana ami mukyaswa muchima wa Lesa kuno ku tambanako kuno pa Eiti ne pa Penn Street, kabiji yemusango umo Amiwa mombena kwimupela uno mwingilo anweba balongo mu kusenda ndoonda monka mulutangijilo lwa Mupashi Wazhila, na butekanye bonse ne butemwe, kumweshwa lusa lobe ku meso a bantu amba Benakilishitu. Kabiji ne *Benakilishitu* kechi kyalumbulula amba bana babacheche ne abo boba konsha kushindaika kuzhokoloka byobya ne, akyo kyalumbulula mba “muntu wayulwa na butemwe, bino nangwa byonkabyo, wayulatu na butemwe bwa Lesa byonka byo aji wa mujibumba.” Mwamona abyo Amiwa moombena kutazha nyi?


²⁰⁵ Bushe pajipo jipuzho nyi? Tepu uji pepi nakupwa, kabiji Amiwa njina muntu umo ubena kupembela kokwa. Kimye ka kyo afwaijilwe kwikalako? [Billy Paul wakumbula, “Ponkapano.”—Waku.] Ponka pano. Aye ubena kwiya ayemwine? [“Amiwa nsakuya na kumutana.”] Kijitu bulongo. Kijitu bulongo, mwane.

²⁰⁶ Pano, Amiwa nayuka mba tubena kuya pano inge kechi—kechi kujipo kikwabo kyambo ne. Uu? Pano, inge kafwako, twayai tulupuke. Ee. Ee, Mulongo Collins? [Mulongo Collins waamba mba, “Kyafwainwa kwikala bulongo inge tepu wazhimiwa.”—Waku.] Kijitu bulongo. [Kafwapo biji pa tepu ne.]

²⁰⁷ Kyawama, batemwe, Amiwa nasanta kwikala muno ne anweba bufuku buno, kabiji ne Mulongo Neville, kabiji ne ba nkwashi, kabiji baketekelwa, kabiji ne mukulumpe wa sukuulu wa Pamulungu, anweba bonse. Atweba twaketekela mba Nkambo usa kwimukwasha kusenda ino ndoonda ya mu Bufumu bwa Lesa. Ene mambo ao Amiwa ona ambila kikye ke mambo akuuba mba Amiwa naketekela mba anweba mwakoma kufuma kubwanyike kuya ku bukulumpe. Kimye kyonwajinga banyike, anweba mwaambile nobe mwanyike, kabiji anweba mwakwatankenye nobe mwanyike. Bino pano obewa wi muntu, nanchi twayai tube byubilo nobe bakulumpe mu nzubo yakwa Lesa, byubilo nobe atweba bene, kabiji ne kupana mushingi ku

maofweshi etu, kabiji ne kupana mushingi ku ofweshi aji onse. Kya bupe kyonse akyo Nkambo kyo etupa, twayai twikibike mu ndoonda, kabiji ne kupana munema kwi Lesa na bya bupe byetu ne maofweshi etu.

Twayai tulombe.

²⁰⁸ Taata Wamwiulu, twi musachila Anweba bufuku buno pa kukwe kupwila pamo kwa bantu babikiwa mu maofweshi kuno mu kutwajijila na mwingilo wa Nkambo awo ubena kubiwa mumwe mu Jeffersonville mu kino kipwilo. Lesa, lekai kuboko Kwenu kwikale pe abo, lekai Anweba mwibakwashe ne kwibapesha. Lekai kipwilo ne bantu bekyumvwa kabiji ne kuyuka mba akwe ke kumwenamo kwa Bufumu bwa Lesa, pakuuba mba twikale bantu bakwatakanya ne kuyuka Mupashi wakwa Lesa, kabiji ne kuyuka mwakubila. Kiswishai kye, Taata. Tupalang'ane na mapesho Enu, kabiji lekai Mupashi Wazhila atale pe atweba kabiji ne kwitutangijila, ne kwitwikikizha, kabiji lekai atweba tutwajijile kutanwa babukishinka ponka pa bifulo byamwingilo wetu. Mu Jizhina ja Yesu Kilishitu, Amiwa nalomba. Amena. 

63-1226 Ndoonda Ya Kipwilo
Branham Tabernacle
Jeffersonville, Indiana U.S.A.

KAONDE

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org